

《維摩詰所說經》講表

佛國品第一

甲一、序分^二

乙一、遇序

丙一、所聞法體等

信聞時主義

如是我聞：一時佛在毘耶離菴羅樹園，

丙二、同聞眾^三

丁一、聲聞眾

與大比丘眾八千人俱，

丁二、菩薩眾^四

戊一、明類辨數

菩薩三萬二千

戊二、歎護^三
己一、總歎

眾所知識，

己二、別歎^三
庚一、略歎自他^三
辛一、略歎自汗^三
壬一、正歎

觀 汗

大智本行，皆悉成就。

壬二、釋歎

諸佛威神，之所建立。

辛二、略歎化他^三
壬一、歎化他心

為護法城，受持正法；

壬二、歎化他功成

能師子吼，名聞十方。

壬三、釋歎化他

化他心

正釋

傳釋

眾人不請，友而安之；紹隆三寶，能使不絕；降伏魔怨，制諸外道。

庚二、廣歎自他護
辛一、廣歎自汗
壬一、斷護

總

別

釋

悉已清淨，永離蓋纏，心常安住，無礙解脫。

壬二、智護

總

別

念、定、總持，辯才不斷。布施、持戒、忍辱、精進、禪定、智慧及方便力，無不具足。

釋

速無所得，不起法忍；

辛二、廣歎化他^三
壬一、內具化他之法^三
癸一、明內具

已能隨順，轉不退輪，善解法相，知眾生根。

癸二、明外具

蓋諸大眾，得無所畏。

癸三、總釋內外^三
子一、釋內心無畏

功德智慧，以修其心。

子二、釋外用無畏

相好嚴身，色像第一，捨諸世間所有飾好。

子三、結成無畏

結外

結內

名稱高遠，踰於須彌；深信堅固，猶若金剛。

壬二、正明化他^三
癸一、救光說法明化他^二
子一、正明救光說法

救光 說法 釋歎

法寶普照，而雨甘露；於眾言音，微妙第一。

子二、釋成救光說法

智通 斷通

深入緣起，斷諸邪見，有無二邊，無復餘習。

癸二、正說法明化他

A、雙舉兩者：
一、破題

二、生善

演法無畏，猶師子吼；其所講說，乃如雷震。

B、總歎

無有量，已過量。

癸三、明進修化他門

集眾法寶，如海導師，了達諸法深妙之義；善知眾生往來所趣，及心所行。

庚三、約隣界歎護^三
辛一、歎自汗^三
壬一、歎智護

總歎

別歎

近無等等佛自在慧，十力、無畏、十八不共。

壬二、歎斷護

關閉一切諸惡趣門，

辛二、歎化他

而生五道以現其身；為大醫王，善療眾病，應病與藥，令得服行；

辛三、總釋成

自行滿

化他滿

無量功德皆成就，無量佛土皆嚴淨；其見聞者，無不蒙益；諸有所作，亦不唐捐；

己三、結歎

如是一切功德，皆悉具足。

戊三、累名

其名曰：等觀菩薩、不等觀菩薩、等不等觀菩薩、定自在王菩薩、法自在王菩薩、法相菩薩、光相菩薩、光嚴菩薩、大嚴菩薩、寶積菩薩、辯積菩薩、寶手菩薩、寶印手菩薩、常舉手菩薩、常下手菩薩、常慘菩薩、喜根菩薩、喜王菩薩、辯音菩薩、虛空藏菩薩、執寶炬菩薩、寶勇菩薩、寶見菩薩、帝網菩薩、明網菩薩、無緣觀菩薩、慧積菩薩、寶勝菩薩、天王菩薩、壞魔菩薩、電德菩薩、自在王菩薩、功德相嚴菩薩、師子吼菩薩、雷音菩薩、山相擊音菩薩、香象菩薩、白香象菩薩、常精進菩薩、不休息菩薩、妙生菩薩、華嚴菩薩、觀世音菩薩、得大勢菩薩、梵網菩薩、寶杖菩薩、無勝菩薩、嚴土菩薩、金髻菩薩、珠髻菩薩、彌勒菩薩、文殊師利法王子菩薩，

戊四、總結

如是等三萬二千人。

丁三、雜眾

梵天眾

復有萬梵天王、尸棄等，從餘四天下，來詣佛所而聽法。

天眾

復有萬二千天帝，亦從餘四天下，來在會坐。

八部眾

并餘大威力諸天、龍、神夜叉、乾闥婆、阿脩羅、迦樓羅、緊那羅、摩睺羅伽等，悉來會坐。

四部眾

諸比丘、比丘尼、優婆塞、優婆夷，俱來會坐。

乙二、別序^二
丙一、發起序^二
丁一、如來現身

佛說法

彼時佛與無量百千之眾，恭敬圍繞，而為說法。

顯譬

譬如須彌山王顯于大海，

合譬

安處眾寶師子之座，蔽於一切諸來大眾。

丁二、長者獻蓋^三
戊一、明表發之由

與同類俱注

爾時毘耶離城有長者子，名曰寶積，與五百長者子，俱持七寶蓋，來詣佛所。

虔誠

奉蓋

頭面禮足，各以其蓋共供養佛。

戊二、如來合蓋現瑞 二
己一、合蓋

佛之威神，令諸寶蓋合成一蓋，遍覆三千大千世界。

己二、正現相

A、現國土：一、廣長之相

而此世界廣長之相，悉於中現。

二、現十山

又此三千大千世界諸須彌山、雪山、目真隣陀山、摩訶目真隣陀山、香山、寶山、金山、黑山、

鐵圍山、大鐵圍山。

三、現大海江河

四、現日月天宮

大海江河，川流泉源。及日月星辰、天宮、龍宮、諸尊神宮，悉現於寶蓋中。

B、現佛說法

又十方諸佛，諸佛說法，亦現於寶蓋中。

戊三、大眾觀瑞歡喜

口業供養

身業供養

意業供養

爾時一切大眾，觀佛神力，歎未曾有！合掌禮佛，瞻仰尊顏，目不暫捨。

丙二、敘述序 =

丁一、述歎表發之由 =

戊一、述歎勝應法身以為近由 =

於是長者子寶積即於佛前，以偈頌曰：

己一、略歎形聲兩益

A、歎形益：一、色功德 二、心功德

目淨脩廣如青蓮 心淨已度諸禪定

B、歎聲益

久積淨業稱無量 導眾以寂故稽首。

己二、廣歎形聲兩益 =

庚一、廣歎形益

約色歎功用

既見大聖以神變 普現十方無量土

歎佛心用

法王法力超群生 常以法財施一切

結歎色心用

已於諸法得自在 是故稽首此法王

釋然色用

其中諸佛演說法 於是一切悉見聞

約二智

能善分別諸法相 於第一義而不動

庚二、責歎聲益

說法不有亦不無 以因緣故諸法生 無我無造無受者 善惡之業亦不亡

戊二、述歎劣應以為護由 二
己一、歎形益

歎應色

始在佛樹力降魔 得甘露滅覺道成 已無心意無受行 而悉摧伏諸外道

歎應心

己二、歎聲益

A、歎轉法輪

三轉法輪於大千 其輪本來常清淨 天人得道此為證 三寶於是現世間

B、歎妙法人天受益

以斯妙法濟群生 一受不退常寂然 度老病死大醫王 當禮法海德無邊

C、結歎：一、斷通

二、智通

三、平等

毀譽不動如須彌 於善不善等以慈 心行平等如虛空 孰聞人寶不敬承

丁二、正述歎現相奏發^二
戊一、總述歎現三瑞奏發

奉蓋

正述

今奉世尊此微蓋 於中現我三千界 諸天龍神所居宮 乾闥婆等及夜叉
悉見世間諸所有 十力哀現是化變 眾覩希有皆歎佛 今我稽首三界尊

大眾歡喜

戊二、別述歎佛三密^三
己一、歎身密

大聖法王眾所歸 淨心觀佛靡不欣 各見世尊在其前 斯則神力不共法

己二、歎口密

A、辭法二辨：一、法辨

二、辭辨

佛以一音演說法 眾生隨類各得解 皆謂世尊同其語 斯則神力不共法

B、歎義辨

佛以一音演說法 眾生各各隨所解 普得受行獲其利 斯則神力不共法

C、歎樂說辨

佛以一音演說法 或有恐畏或歡喜 或生厭離或斷疑 斯則神力不共法

己三、歡慶密 二

庚一、約三種權實二智以歡

約自升權實

稽首十力大精進 稽首已得無所畏

約兩用

稽首能斷眾結縛 稽首已到於彼岸

庚二、約三種權實二諦結歡心密

隨情二諦

悉知眾生來去相 善於諸法得解脫

歡隨智二諦

達諸法相無罣礙 稽首如空無所依

約自升化世

稽首住於不共法 稽首一切大導師

總結

稽首能度諸世間 稽首永離生死道

隨情智二諦

不著世間如蓮華 常善入於空寂行

甲二、正宗分^三

乙一、如來當宗演暢^二（大聖對機命宗說佛國因果）

丙一、寶積讚說^二

丁一、述同類堪聞

爾時長者子寶積說此偈已，白佛言：「世尊！是五百長者子，皆已發阿耨多羅三藐三菩提心。

丁二、正請

願聞得佛國土清淨，唯願世尊說諸菩薩淨土之行！」

丙二、如來答^四

丁一、讚許

佛言：「善哉！寶積！乃能為諸菩薩，問於如來淨土之行。

丁二、誠聽

諦聽，諦聽！善思念之，當為汝說！」

丁三、受教

於是寶積及五百長者子，受教而聽。

丁四、佛正答^五
戊一、佛正答^二
己一、答果^二
庚一、正答

A、標章總答

B、別釋

佛言：「寶積！眾生之類是菩薩佛土。所以者何？

一、同聲土

二、有餘土

菩薩隨所化眾生而取佛土，隨所調伏眾生而取佛土，

三、果報土

四、報光土

隨諸眾生應以何國入佛智慧而取佛土，隨諸眾生應以何國起菩薩根而取佛土。

C、結成

所以者何？菩薩取於淨國，皆為饒益諸眾生故。

庚二、普顯

開書

譬如有人，欲於空地，造立宮室，隨意無礙；若於虛空，終不能成！

合書

菩薩如是，為成就眾生故，願取佛國；願取佛國者，非於空也。

己二、答因^二

庚一、橫歷諸行修因^三

辛一、約三心

「寶積當知！直心是菩薩淨土，菩薩成佛時，不諂眾生來生其國；

深心是菩薩淨土，菩薩成佛時，具足功德眾生來生其國；

菩提心是菩薩淨土，菩薩成佛時，大乘眾生來生其國；

辛二、約自行

布施是菩薩淨土，菩薩成佛時，一切能捨眾生來生其國；

持戒是菩薩淨土，菩薩成佛時，行十善道滿願眾生來生其國；

忍辱是菩薩淨土，菩薩成佛時，三十二相莊嚴眾生來生其國；

精進是菩薩淨土，菩薩成佛時，勤修一切功德眾生來生其國；

禪定是菩薩淨土，菩薩成佛時，攝心不亂眾生來生其國；

智慧是菩薩淨土，菩薩成佛時，正定眾生來生其國。

辛三、約化他

四無量心是菩薩淨土，菩薩成佛時，成就慈悲喜捨眾生來生其國。

四攝法是菩薩淨土，菩薩成佛時，解脫所攝眾生來生其國。

方便是菩薩淨土，菩薩成佛時，於一切法方便無礙眾生來生其國。

三十七道品是菩薩淨土，菩薩成佛時，念處、正勤、神足、根、力、覺、道眾生來生其國。

迴向心是菩薩淨土，菩薩成佛時，得一切具足功德國土。

說除八難是菩薩淨土，菩薩成佛時，國土無有三惡八難。

自守戒行、不譏彼闕是菩薩淨土，菩薩成佛時，國土無有犯禁之名。

十善是菩薩淨土，菩薩成佛時，命不中天，大富，梵行，所言誠諦，常以軟語，眷屬不離，善和
淨訟，言必饒益，不嫉不恚，正見眾生來生其國。

庚二、豎窮心源修因

「如是，寶積！菩薩隨其直心，則能發行；隨其發行，則得深心；隨其深心，則意調伏；隨意調

伏，則如說行；隨如說行，則能迴向；隨其迴向，則有方便；隨其方便，則成就眾生；隨成就眾生，則佛土淨；隨佛土淨，則說法淨；隨說法淨，則智慧淨；隨智慧淨，則其心淨；隨其心淨，則一切功德淨。

是故寶積！若菩薩欲得淨土，當淨其心；隨其心淨，則佛土淨。」

戊二、身子生疑^三
己一、生疑之由

爾時舍利弗承佛威神，

己二、正疑念

作是念：「若菩薩心淨，則佛土淨者，我世尊本為菩薩時，意豈不淨，而是佛土不淨若此？」

戊三、佛釋疑

佛以日月問

佛知其念，即告之言：「於意云何？日月豈不淨耶？而盲者不見。」

身子事答

對曰：「不也，世尊！是盲者過，非日月咎。」

佛合掌解釋

「舍利弗！眾生罪故，不見如來佛土嚴淨，非如來咎；舍利弗！我此土淨，而汝不見。」

戊四、梵王自述顯佛誠言

A、先折身子觀念

B、正舉所見 一、梵王見淨土

爾時螺髻梵王語舍利弗：「勿作是意，謂此佛土以為不淨。所以者何？我見釋迦牟尼佛土清淨，譬如自在天宮。」

二、身子見穢

舍利弗言：「我見此土丘陵坑坎、荊棘沙磧、土石諸山、穢惡充滿。」

三、樂見淨穢之由

螺髻梵王言：「仁者心有高下，不依佛慧，故見此土為不淨耳！舍利弗！菩薩於一切眾生，悉皆平等，深心清淨，依佛智慧，則能見此佛土清淨。」

戊五、佛現淨土時眾得益^四

己一、按地現淨

於是佛以足指按地，即時三千大千世界，若干百千珍寶嚴飾，譬如寶莊嚴佛，無量功德寶莊嚴土，一切大眾歎未曾有！而皆自見坐寶蓮華。

己二、問身子

佛告舍利弗：「汝且觀是佛土嚴淨？」

己三、身子答

舍利弗言：「唯然，世尊！本所不見，本所不聞，今佛國土嚴淨悉現。」

己四、正釋疑 三
庚一、法說

佛語舍利弗：「我佛國土常淨若此，為欲度斯下劣人故，亦是眾惡不淨土耳！

庚二、譬喻

開譬

合譬

譬如諸天，共寶器食，隨其福德，飯色有異。如是，舍利弗！若人心淨，便見此土功德莊嚴。」

庚三、時取得益 三
辛一、現淨得益

當佛現此國土嚴淨之時，寶積所將五百長者子，皆得無生法忍；八萬四千人皆發阿耨多羅三藐三

菩提心。

辛二、瓊土得益

佛攝神足，於是世界還復如故；求聲聞乘三萬二千天及人，知有為法皆悉無常，遠塵離垢，得法眼淨；八千比丘，不受諸法，漏盡意解。

丁二、正明形益^三
戊一、標益物處

欲度人故，以善方便，居毘耶離；

戊二、正明益物^三
己一、明心密

資財無量，攝諸貧民；奉戒清淨，攝諸毀禁；以忍調行，攝諸恚怒；以大精進，攝諸懈怠；一心禪寂，攝諸亂意；以決定慧，攝諸無智；

己二、明身密

雖為白衣，奉持沙門清淨律行；雖處居家，不著三界；示有妻子，常修梵行；現有眷屬，常樂遠離；雖服寶飾，而以相好嚴身；雖復飲食，而以禪悅為味；若至博奕戲處，輒以度人；受諸異道，不毀正信；雖明世典，常樂佛法；

己三、明口密

一切見敬，為供養中最；執持正法，攝諸長幼；一切治生諧偶，雖獲俗利，不以喜悅；遊諸四衢，饒益眾生；入治政法，救護一切；入講論處，導以大乘；入諸學堂，誘開童蒙；入諸姪舍，示欲之過；入諸酒肆，能立其志；若在長者，長者中尊，為說勝法；若在居士，居士中尊，斷其貪著；若在剎利，剎利中尊，教以忍辱；若在婆羅門，婆羅門中尊，除其我慢；若在大臣，大臣中尊，教以正法；若在王子，王子中尊，示以忠孝；若在內官，內官中尊，化政宮女；若在庶民，庶民中尊，令興福力；若在梵天，梵天中尊，誨以勝慧；若在帝釋，帝釋中尊，示現無常；若在護世，護世中尊，護諸眾生。

戊三、結成方便

長者維摩詰，以如是等無量方便饒益眾生。

丙二、聲益方便^二

丁一、明彈呵折伏^三

戊一、折服界內有為緣真^四

己一、方便現疾

其以方便，現身有疾。

己二、諸人參問

以其疾故，國王大臣、長者居士、婆羅門等，及諸王子并餘官屬，無數千人，皆往問疾。

己三、因為說法 ^三
庚一、總標說法

其往者，維摩詰因以身疾，廣為說法：

庚二、正說觀門 ^三
辛一、約見道 ^四
壬一、無常

結句破執

「諸仁者！是身無常、無強、無力、無堅、速朽之法，不可信也！」

壬二、苦

結成苦義

為苦、為惱，眾病所集。諸仁者！如此身，明智者所不怙。

壬三、空

是身如聚沫，不可撮摩；是身如泡，不得久立；是身如炎，從渴愛生；是身如芭蕉，中無有堅；
是身如幻，從顛倒起。是身如夢，為虛妄見；是身如影，從業緣現；是身如響，屬諸因緣；是身如浮
雲，須臾變滅；是身如電，念念不住。

壬四、無我

A、約四大種破：一、別極

二、總極

是身無主，為如地；是身無我，為如火；是身無壽，為如風；是身無人，為如水；是身不實，四
大為家。

B、約空種破

C、約識種破

是身為空，離我我所；是身無知，如草木瓦礫；是身無作，風力所轉。

辛二、約修道 三
壬一、四想

一、身不淨想

二、食不淨想

是身不淨，穢惡充滿；是身為虛偽，雖假以深浴衣食，必歸磨滅；

三、世間不可樂想

四、死想

是身為災，百一病惱；是身如丘井，為老所逼；是身無定，為要當死。

壬二、總譬四想

是身如毒蛇、如怨賊、如空聚，陰界諸入所共合成。

癸三、勸求佛身 三
辛一、標章

「諸仁者！此可患厭，當樂佛身。」

辛二、正勸

正勸果行因

所以者何？佛身者即法身也，從無量功德智慧生。

五分法身

四無量心

六度

從戒、定、慧、解脫、解脫知見生；從慈、悲、喜、捨生；從布施、持戒、忍辱、柔和、勤行精進、禪定、解脫、三昧、多聞、智慧諸波羅蜜生；

從方便生，從六通生，從三明生；從三十七道品生，從止觀生；從十力、四無所畏、十八不共法生；從斷一切不善法、集一切善法生；從真實生，從不放逸生。

廣舉類勤

從如是無量清淨法生如來身。

辛三、結勸

諸仁者！欲得佛身、斷一切眾生病者，當發阿耨多羅三藐三菩提心。」

己四、暗眾得益

如是長者維摩詰，為諸問疾者，如應說法，令無數千人皆發阿耨多羅三藐三菩提心。

弟子品第三

戊二、折服無為緣鼻 三
己一、淨名默念

自念覆蔽

念佛垂問

爾時長者維摩詰，自念：「寢疾于床，世尊大慈，寧不垂愍？」

己二、如來遣問 三
庚一、佛知心念

佛知其意，

庚二、正遣問 三
辛一、命十弟子 十
壬一、命身子 二
癸一、佛命問疾

即告舍利弗：「汝行詣維摩詰問疾。」

癸二、奉辭不堪 四
子一、奉辭不堪

舍利弗白佛言：「世尊！我不堪任詣彼問疾。」

子二、述不堪之由

所以者何？憶念我昔，曾於林中宴坐樹下，

子三、正述不堪之事 三
丑一、總呵

時維摩詰來謂我言：「唯，舍利弗！不必是坐，為宴坐也。」

丑二、別示真宴坐

約體

約用

夫宴坐者，不於三界現身意，是為宴坐；不起滅定而現諸威儀，是為宴坐；

約法

約心

不捨道法而現凡夫事，是為宴坐；心不住內亦不在外，是為宴坐；

約因

約果

於諸見不動，而修行三十七品，是為宴坐；不斷煩惱而入涅槃，是為宴坐。

丑三、結成印定

若能如是坐者，佛所印可。 卍

子四、結成不堪

時我，世尊！聞說是語，默然而止，不能加報！故我不任詣彼問疾。」

壬二、命目連^二
癸一、佛命問疾

佛告大目犍連：「汝行詣維摩詰問疾。」

癸二、奉辭不堪^四
子一、奉辭不堪

目連白佛言：「世尊！我不堪任詣彼問疾。」

子二、述不堪之由

所以者何？憶念我昔入毘耶離大城，於里巷中為諸居士說法。

子三、正述被彈之事^三
丑一、總呵

時維摩詰來謂我言：「唯，大目連！為白衣居士說法，不當如仁者所說。」

丑二、別呵^三
實一、用過教即空斥不即空^二
卯一、當如法說^三
辰一、標章總勸

夫說法者，當如法說。

辰二、別說^三
巳一、所門生空破析生空

法無眾生，離眾生垢故；法無有我，離我垢故；法無壽命，離生死故；法無有人，前後際斷故。

巳二、體法法空破析法法空

法常寂然，滅諸相故；法離於相，無所緣故；法無名字，言語斷故；法無有說，離覺觀故；

法無形相，如虛空故；法無戲論，畢竟空故；法無我所，離我所故；法無分別，離諸識故。

巳三、平等空破三藏平等空

法無有比，無相待故；法不屬因，不在緣故；法同法性，入諸法故；法隨於如，無所隨故；

法住實際，諸邊不動故；法無動搖，不依六塵故；法無去來，常不住故；

法順空，隨無相，應無作；法離好醜、法無增損、法無生滅；法無所歸、法過眼耳鼻舌身心；法無高下；法常住不動；法離一切觀行。

辰三、結破

唯，大目連！法相如是，豈可說乎？

卯二、當如法解^二
辰一、正彈不解

夫說法者，無說無示；其聽法者，無聞無得。

辰二、借幻為譬

譬如幻士，為幻人說法。當建是意，而為說法。

實二、用別教破不當根緣

呵不知根

呵於知見有癡

當了眾生根有利鈍，善於知見無所罣礙。

寅三、用圓教破不當佛心

當起大悲

念報佛恩

以大悲心，讚于大乘；念報佛恩，不斷三寶，然後說法。 卍

丑三、聞法得益

維摩詰說是法時，八百居士發阿耨多羅三藐三菩提心。

子四、結成不堪

我無此辯，是故不任詣彼問疾。 卍

壬三、命大迦葉 三

癸一、佛命問疾

佛告大迦葉：「汝行詣維摩詰問疾。 卍

癸二、奉辭不堪 卍

子一、奉辭不堪

迦葉白佛言：「世尊！我不堪任詣彼問疾。」

子二、述不堪之由

所以者何？憶念我昔，於貧里而行乞，

子三、正述被彈之事 ^三
丑一、總呵

時維摩詰來謂我言：「唯，大迦葉！有慈悲心而不能普捨豪富，從貧乞。

丑二、別呵 ^四
實一、呵乞食心非

約小乘證滅破

約知苦破

迦葉！住平等法，應次行乞食；為不食故，應行乞食；

約斷集破

約修道破

為壞和合相故，應取揣食；為不受故，應受彼食；

實二、呵入聚心非

總呵

別呵：一、眼

二、耳

三、鼻

四、舌

以空取想，入於聚落。所見色與盲等，所聞聲與響等，所嗅香與風等，所食味不分別，

五、身

六、意

受諸觸如智證，知諸法如幻相，無自性，無他性；本自不然，今則無滅。

實三、示正食法 二
卯一、示正食

A、食體：一、約事

二、約理

B、食用

迦葉！若能捨八邪、入八解脫，以邪相入正法。以一食施一切，供養諸佛，及眾賢聖，然後可食。

卯二、疊釋

A、食體：一、約事

二、疊事

三、總釋事理

如是食者，非有煩惱，非離煩惱；非入定意，非起定意；非住世間，非住涅槃。

B、食用

其有施者，無大福，無小福；不為益，不為損。

實四、結勸

是為正入佛道，不依聲聞。迦葉！若如是食，為不空食人之施也。』

丑三、揖敬

時我，世尊！聞說是語，得未曾有，即於一切菩薩，深起敬心，復作是念：『斯有家名，辯才智

慧乃能如是！其誰聞此不發阿耨多羅三藐三菩提心？^四我從是來，不復勸人以聲聞、辟支佛行。

子四、結成不堪

是故不任詣彼問疾。」

壬四、命善言^三
癸一、佛命問疾

佛告須菩提：「汝行詣維摩詰問疾。」

癸二、奉辭不堪^四
子一、奉辭不堪

須菩提白佛言：「世尊！我不堪任詣彼問疾。」

子二、述不堪之由

所以者何？憶念我昔，入其舍，從乞食。

子三、正明不堪之事^五
丑一、取鉢盛飯

時維摩詰取我鉢，盛滿飯。

丑二、正彈呵^二
寅一、問若是敬田乃可取食^二
卯一、問知聖法不

謂我言：『唯，須菩提！若能於食等者，諸法亦等；諸法等者，於食亦等。如是行乞，乃可取食。』

卯二、問是聖人不^三
辰一、別歷四諦檢問

約真諦

約苦諦

若須菩提不斷婬怒癡，亦不與俱；不壞於身，而隨一相；

約道諦

約滅諦

不滅癡愛，起於明脫；以五逆相而得解脫，亦不解不縛。

辰二、總約四諦重釋

不見四諦，非不見諦；非得果，非不得果；非凡夫，非離凡夫法；非聖人，非不聖人。

辰三、結破

雖成就一切法，而離諸法相，乃可取食。

寅二、問若是悲田乃可取食 三
卯一、問慳同罪人乃可取食

約不見佛不聞法問

約同六師問

若須菩提不見佛，不聞法；彼外道六師：富蘭那迦葉、末伽梨拘賒梨子、刪闍夜毘羅胝子、阿耆多翅舍欽婆羅、迦羅鳩駄迦旃延、尼捷陀若提子等，是汝之師，因其出家。

結令取食

彼師所墮，汝亦隨墮，乃可取食。

卯二、問慳有邪法乃可取食 三
辰一、約殺賊呵

呵有見處而入八難

呵有惡性離清淨法

若須菩提入諸邪見，不到彼岸，住於八難，不得無難；同於煩惱，離清淨法。

辰二、約應供呵

汝得無諍三昧，一切眾生亦得是定；其施汝者，不名福田；供養汝者，墮三惡道。

辰三、約不生呵

為與眾魔共一手，作諸勞侶；汝與眾魔，及諸塵勞，等無有異；於一切眾生，而有怨心；謗諸佛，

毀於法，不入眾數，終不得滅度。汝若如是，乃可取食。』

丑三、置鉢而去

時我，世尊！聞此茫然，不識是何言？不知以何答？便置鉢欲出其舍。

丑四、淨名安髮^三
卯一、正安髮

維摩詰言：『唯，須菩提！取鉢勿懼。於意云何？如來所作化人，若以是事詰，寧有懼不？』

我言：『不也！』

維摩詰言：『一切諸法，如幻化相，汝今不應有所懼也。』

卯二、解釋

所以者何？一切言說不離是相；至於智者，不著文字，故無所懼。

卯三、重辨

何以故？文字性離，無有文字，是則解脫；解脫相者，則諸法也。』

丑五、聞者悟道

維摩詰說是法時，二百天子得法眼淨。

子四、結成不堪

故我不任詣彼問疾。」

壬五、命富樓那^三
癸一、佛命問疾

佛告富樓那彌多羅尼子：「汝行詣維摩詰問疾。」

癸二、奉辭不堪^四
子一、奉辭不堪

富樓那白佛言：「世尊！我不堪任詣彼問疾。」

子二、述不堪之由

所以者何？憶念我昔於大林中，在一樹下為諸新學比丘說法。

子三、正述不堪之事^七
丑一、呵說法失機^四
寅一、呵不觀本心（第一義感壇）

時維摩詰來謂我言：「唯，富樓那！先當入定，觀此人心，然後說法，無以穢食置於寶器。」

實二、呵不知心念（為人惑壇）

當知是比丘心之所念，無以琉璃同彼水精。

實三、呵不觀根源（對治惑壇）

汝不能知眾生根源，無得發起以小乘法。彼自無瘡，勿傷之也。

實四、呵不觀樂欲（世界惑壇）

欲觀法身實相

欲修大乘萬行功德

欲求大乘一切種智

欲行大道，莫示小徑；無以大海，內於牛跡；無以日光，等彼螢火。

丑二、結過

結過彈呵

普顯結過

富樓那！此比丘久發大乘心，中忘此意，如何以小乘法而教導之？我觀小乘智慧微淺，猶如盲人，不能分別一切眾生根之利鈍。□

丑三、淨名入定

時維摩詰即入三昧，令此比丘自識宿命，曾於五百佛所植眾德本，迴向阿耨多羅三藐三菩提。

丑四、諸比丘心志開發

明得本心

致敬

即時豁然，還得本心，於是諸比丘稽首禮維摩詰足。

丑五、淨名為說法

時維摩詰因為說法。

丑六、諸比丘得不退轉

於阿耨多羅三藐三菩提不復退轉。

丑七、富樓那敬揖

我念聲聞不觀人根，不應說法。

子四、結辭不堪

是故不任詣彼問疾。」

壬六、命迦旃延^三
癸一、佛命問疾

佛告摩訶迦旃延：「汝行詣維摩詰問疾。」

癸二、奉辭不堪^四
子一、奉辭不堪

迦旃延白佛言：「世尊！我不堪任詣彼問疾。」

子二、述不堪之由

佛略說法要

迦旃延於後廣說

所以者何？憶念昔者，佛為諸比丘略說法要。我即於後，敷演其義，謂無常義、苦義、空義、無我義、寂滅義。

子三、正述不堪之事^三
丑一、呵能說心非

時維摩詰來謂我言：「唯，迦旃延！無以生滅心行，說實相法。」

丑二、呵所說法非

迦旃延！諸法畢竟不生不滅，是無常義；五受陰，洞達空無所起，是苦義；諸法究竟無所有，是空義；於我、無我而不一，是無我義；法本不然，今則無滅，是寂滅義。□

丑三、諸比丘心得解脫

說是法時，彼諸比丘心得解脫。

子四、結成不堪

故我不任詣彼問疾。┌

壬七、命那律^二
癸一、佛命問疾

佛告阿那律：「汝行詣維摩詰問疾。┌

癸二、奉辭不堪^四
子一、奉辭不堪

阿那律白佛言：「世尊！我不堪任詣彼問疾。」

子二、述不堪之由

梵王來問

所以者何？憶念我昔於一處經行，時有梵王，名曰嚴淨，與萬梵俱，放淨光明，來詣我所，稽首作禮問我言：『幾何阿那律天眼所見？』

那律答

我即答言：『仁者！吾見此釋迦牟尼佛土三千大千世界，如觀掌中菴摩勒果。』

子三、正述被彈之事 五
丑一、嚴難

雙嚴

時維摩詰來謂我言：『唯，阿那律！天眼所見，為作相耶？無作相耶？』

雙難

假使作相，則與外道五通等；若無作相，即是無為，不應有見。』

丑二、那律受屈

世尊！我時默然。

丑三、梵王請問

歎未曾有

作禮致敬

正請問

彼諸梵聞其言，得未曾有！即為作禮，而問曰：「世孰有真天眼者？」

丑四、淨名答

答有真天眼人

辨真天眼相

維摩詰言：「有佛、世尊，得真天眼。常在三昧，悉見諸佛國，不以二相。」

丑五、梵王及眷屬發心

諸梵發心

致敬而去

於是嚴淨梵王及其眷屬五百梵天，皆發阿耨多羅三藐三菩提心。禮維摩詰足已，忽然不現！

子四、結成不堪

故我不任詣彼問疾。」

壬八、命優婆塞

癸一、佛命問疾

佛告優波離：「汝行詣維摩詰問疾。」

癸二、奉辭不堪^四
子一、奉辭不堪

優波離白佛言：「世尊！我不堪任詣彼問疾。」

子二、述不堪之由

二比丘犯戒疑問

所以者何？憶念昔者，有二比丘犯律行，以為恥，不敢問佛，來問我言：「唯，優波離！我等犯律，誠以為恥，不敢問佛，願解疑悔，得免斯咎！」

波離解說

我即為其如法解說。

子三、述被呵之事^二
丑一、正述彈呵^七
寅一、正彈呵

時維摩詰來謂我言：「唯，優波離！無重增此二比丘罪！」

寅二、勸除滅

當直除滅，勿擾其心。

實三、為解釋

所以者何？彼罪性不在內、不在外、不在中間。

實四、引佛語證

如佛所說，心垢故眾生垢，心淨故眾生淨。

心亦不在內、不在外、不在中間；如其心然，罪垢亦然，諸法亦然，不出於如。

實五、嚴問波離

大士問

波離答

大士類顯真空無垢

如優波離，以心相得解脫時，寧有垢不？[□]我言：「不也！」[□]維摩詰言：「一切眾生心相無垢，亦

復如是。

實六、入真分判（三假）

體因成假

唯，優波離！妄想是垢，無妄想是淨；顛倒是垢，無顛倒是淨；取我是垢，不取我是淨。

體相續假

優波離！一切法生滅不住，如幻、如電。

體相誇假

諸法不相待，乃至一念不住；諸法皆妄見，如夢、如炎、如水中月、如鏡中像，以妄想生。

寅七、結成奉律

其知此者，是名奉律；其知此者，是名善解。 ㊦

丑二、二比丘心得清淨

二比丘稱歎淨名

於是二比丘言：「上智哉！是優波離所不能及，持律之上而不能說。」

波離懷伏逃成

我答言：「自捨如來，未有聲聞及菩薩，能制其樂說之辯，其智慧明達，為若此也！」

二比丘心淨發心

時二比丘疑悔即除，發阿耨多羅三藐三菩提心，作是願言：「令一切眾生皆得是辯。」

子四、結成不堪

故我不任詣彼問疾。 ㊦

壬九、命羅睺羅 三
癸一、佛命問疾

佛告羅睺羅：「汝行詣維摩詰問疾。」

癸二、奉辭不堪 四
子一、奉辭不堪

羅睺羅白佛言：「世尊！我不堪任詣彼問疾。」

子二、述不堪之由

長者子問

所以者何？憶念昔時，毘耶離諸長者子來詣我所，稽首作禮，問我言：「唯，羅睺羅！汝佛之子，

捨轉輪王位，出家為道。其出家者，有何等利？」

羅睺羅答

我即如法為說出家功德之利。

子三、正述被彈之事 ^五
丑一、正彈呵

時維摩詰來謂我言：「唯，羅睺羅！不應說出家功德之利。」

丑二、為解釋

呵羅云見偏真智斷

所以者何？無利無功德，是為出家；有為法者，可說有利有功德。

呵羅云出家心非

夫出家者，為無為法，無為法中，無利無功德。

丑三、廣示出家功德 ^二
寅一、自行

羅睺羅！夫出家者，無彼無此，亦無中間；離六十二見，處於涅槃；智者所受，聖所行處。

寅二、化他

破愛論

降伏眾魔，度五道，淨五眼，得五力，立五根；不惱於彼，離眾雜惡；

破見論

摧諸外道，超越假名；出淤泥，無繫著；無我所，無所受；無擾亂，內懷喜；護彼意，隨禪定，

離眾過。

丑四、結真出家

若能如是，是真出家。 ▣

丑五、勸諸長者子出家

勸出家

是維摩詰語諸長者子：「汝等於正法中，宜共出家。所以者何？佛世難值！」 ▣

時有礙

諸長者子言：「居士！我聞佛言，父母不聽，不得出家。」 ▣

真勸

維摩詰言：「然！汝等便發阿耨多羅三藐三菩提心，是即出家，是即具足。」 ▣

發心

於爾時三十二長者子，皆發阿耨多羅三藐三菩提心。

子四、結成不堪

故我不任詣彼問疾。」 ▣

五十、命阿難 ^二
癸一、佛命問疾

佛告阿難：「汝行詣維摩詰問疾。」

癸二、奉辭不堪 ^四
子一、正辭不堪

阿難白佛言：「世尊！我不堪任詣彼問疾。」

子二、述不堪之由

所以者何？憶念昔時，世尊身小有疾，當用牛乳，我即持鉢，詣大婆羅門家門下立。

子三、正述被彈之事 ^三
戊一、嚴問乞意

淨名問

阿難答

時維摩詰來謂我言：「唯，阿難！何為晨朝，持鉢住此？」我言：「居士！世尊身小有疾，當用牛乳，故來至此。」

戊二、正彈呵^四
己一、重止阿難二謗

維摩詰言：「止，止！阿難！莫作是語！」

己二、顯如來金剛身

如來身者，金剛之體，諸惡已斷，眾善普會，當有何疾？當有何惱？

己三、結二謗

默往，阿難！勿謗如來。

結成損謗

莫使異人聞此龐言；無令大威德諸天，及他方淨土諸來菩薩得聞斯語。阿難！轉輪聖王，以少福

故，尚得無病，豈況如來無量福會，普勝者哉！

結成增謗

行矣，阿難！勿使我等受斯恥也。外道、梵志，若聞此語，當作是念：「何名為師？自疾不能救，

而能救諸疾人？」可密速去，勿使人聞。

己四、遍釋對破

釋法身斷通

當知，阿難！諸如來身，即是法身，非思欲身。佛為世尊，過於三界。佛身無漏，諸漏已盡。

釋法身智通

直釋法身斷通

直釋法身智通

總結法身智斷

佛身無為，不墮諸數。如此之身，當有何疾？[□]

戊三、阿難恥愧

正恥愧

時我，世尊！實懷慚愧，得無近佛而謬聽耶！

聞空擊鼓喻

即聞空中聲曰：[□]阿難！如居士言。但為佛出五濁惡世，現行斯法，度脫眾生。行矣，阿難！取

乳勿慚。[□]

子四、結成不堪

世尊！維摩詰智慧辯才，為若此也。是故不任詣彼問疾。」

辛二、命五言

如是五百大弟子各各向佛說其本緣，稱述維摩詰所言，皆曰：「不任詣彼問疾！」

菩薩品第四

戊三、折服自體法界緣真^三
己一、先命四大菩薩四^四
庚一、命彌勒二^二
辛一、命問疾

於是佛告彌勒菩薩：「汝行詣維摩詰問疾。」

辛二、辭不堪四^四
壬一、辭不堪

彌勒白佛言：「世尊！我不堪任詣彼問疾。」

壬二、述不堪之由

所以者何？憶念我昔為兜率天王及其眷屬，說不退轉地之行。

壬三、正述被彈之事五^五
癸一、總定

時維摩詰來謂我言：「彌勒！世尊授仁者記，一生當得阿耨多羅三藐三菩提。」

癸二、正呵彈難破 二
子一、就生門

約三世定

為用何生，得受記乎？過去耶？未來耶？現在耶？

正破三世得記

若過去生，過去生已滅；若未來生，未來生未至；若現在生，現在生無住。

引佛語為證

如佛所說：「比丘！汝今即時，亦生亦老亦滅。」

子二、就無生門 二
丑一、約無生理破

若以無生得受記者，無生即是正位，於正位中，亦無受記，亦無得阿耨多羅三藐三菩提，云何彌

勒受一生記乎？

丑二、約無生行破 四
實一、雙定

為從如生得受記耶？為從如滅得受記耶？

實二、雙破

若以如生得受記者，如無有生；若以如滅得受記者，如無有滅。

實三、雙並

以四如為並端

一切眾生皆如也，一切法亦如也，眾聖賢亦如也，至於彌勒亦如也。

正結並

若彌勒得受記者，一切眾生亦應受記。所以者何？夫如者不二不異。

實四、雙結

破智理釋

若彌勒得阿耨多羅三藐三菩提者，一切眾生皆亦應得。所以者何？一切眾生即菩提相。

約破斷理釋

若彌勒得滅度者，一切眾生亦當滅度。所以者何？諸佛知一切眾生畢竟寂滅，即涅槃相，不復更

滅。

癸三、結過勸捨

正結過

是故，彌勒！無以此法誘諸天子，實無發阿耨多羅三藐三菩提心者，亦無退者。

勸捨見

彌勒！當令此諸天子，捨於分別菩提之見。

解釋

所以者何？菩提者不可以身得，不可以心得；

癸四、廣說真菩提相^三

子一、略說實相菩提

寂滅是菩提，滅諸相故；

子二、約真智斷明菩提^二

丑一、略

明真智通（般若通）

不觀是菩提，離諸緣故；不行是菩提，無憶念故；

明真斷通（解脫通）

斷是菩提，捨諸見故；離是菩提，離諸妄想故；障是菩提，障諸願故；不入是菩提，無貪著故；

丑二、實二

實一、正約智通

智通

順是菩提，順於如故；住是菩提，住法性故；至是菩提，至實際故；不二是菩提，離意法故；等是菩提，等虛空故；無為是菩提，無生住滅故；知是菩提，了眾生心行故；不會是菩提，諸入不會故；

斷通

不合是菩提，離煩惱習故。

實二、不可以身心得

不可以身得

不可以心得

無處是菩提，無形色故；假名是菩提，名字空故；如化是菩提，無取捨故；無亂是菩提，常自靜故；善寂是菩提，性清淨故；無取是菩提，離攀緣故；無異是菩提，諸法等故。

子三、結成真智斷菩提

無比是菩提，無可喻故；微妙是菩提，諸法難知故。 卍

癸五、諸天子得益

世尊！維摩詰說是法時，二百天子得無生法忍。

壬四、結辭不堪

故我不任詣彼問疾。」

庚二、命命光嚴童子 ^三
辛一、命問疾

佛告光嚴童子：「汝行詣維摩詰問疾。」

辛二、奉辭不堪 ^四
壬一、奉辭不堪

光嚴白佛言：「世尊！我不堪任詣彼問疾。」

壬二、述不堪之由

出入相逢

光嚴致敬

問何來

所以者何？憶念我昔出毘耶離大城，時維摩詰方入城。我即為作禮，而問言：「居士從何所來？」

答道場來

光嚴重問

答我言：「吾從道場來。」我問：「道場者何所是？」

壬三、正明被呵^四
癸一、豎明

入一實諦

實諦萬行

深進益念流入

具此三心

答曰：「直心是道場，無虛假故；發行是道場，能辦事故；深心是道場，增益功德故；菩提心是道場，無錯謬故。」

癸二、橫明^五
子一、約六度自行

布施是道場，不望報故；持戒是道場，得願具故；忍辱是道場，於諸眾生心無礙故；精進是道場，不懈退故；禪定是道場，心調柔故；智慧是道場，現見諸法故。」

子二、約四等等化他

四等

慈是道場，等眾生故；悲是道場，忍疲苦故；喜是道場，悅樂法故；捨是道場，憎愛斷故。」

能化他法

由脫疲過

化他善巧

方便化物之法

神通是道場，成就六通故；解脫是道場，能背捨故；方便是道場，教化眾生故；四攝是道場，攝

眾生故。

子三、約多聞進修觀諦

多聞是道場，如聞行故；伏心是道場，正觀諸法故；三十七品是道場，捨有為法故；諦是道場，不誑世間故；緣起是道場，無明乃至老死皆無盡故；諸煩惱是道場，知如實故；眾生是道場，知無我故；一切法是道場，知諸法空故。

子四、約降魔說法

降魔是道場，不傾動故；三界是道場，無所趣故；師子吼是道場，無所畏故。

子五、約力無畏果證

力、無畏、不共法是道場，無諸過故；三明是道場，無餘礙故；一念知一切法是道場，成就一切智故。

癸三、結釋

如是，善男子！菩薩若應諸波羅蜜教化眾生，諸有所作，舉足下足，當知皆從道場來，住於佛法矣！[□]

癸四、暗冥得益

說是法時，五百天、人皆發阿耨多羅三藐三菩提心。

壬四、結辭不堪

故我不任詣彼問疾。」

庚三、命持世菩薩^三

辛一、命問疾

佛告持世菩薩：「汝行詣維摩詰問疾。」

辛二、奉辭不堪^四

壬一、奉辭不堪

持世白佛言：「世尊！我不堪任詣彼問疾。」

壬二、述不堪之由

住於靜室

魔作釋來

所以者何？憶念我昔，住於靜室。時魔波旬，從萬二千天女，狀如帝釋，鼓樂絃歌，來詣我所。

與其眷屬，稽首我足，合掌恭敬，於一面立。

魔來不識

我意謂是帝釋，而語之言：「善來憍尸迦！雖福應有，不當自恣。當觀五欲無常，以求善本，於身命財而修堅法。」

魔更施女

即語我言：「正士！受是萬二千天女，可備掃灑。」

憍怪不畏

我言：「憍尸迦！無以此非法之物要我沙門釋子，此非我宜。」

壬三、明被彈之事
癸一、淨名覺悟持世

所言未訖，時維摩詰來謂我言：「非帝釋也，是為魔來燒固汝耳！」

癸二、淨名執魔索女

即語魔言：「是諸女等，可以與我，如我應受。」

癸三、魔驚懼欲去

魔即驚懼，念：「維摩詰將無惱我？」欲隱形去，而不能隱；盡其神力，亦不得去。

癸四、空聲勸捨

即聞空中聲曰：「波旬！以女與之，乃可得去。」

癸五、魔捨女

魔以畏故，俛仰而與。

癸六、大士為女說法
子一、勸發心

「爾時維摩詰語諸女言：「魔以汝等與我，今汝皆當發阿耨多羅三藐三菩提心。」即隨所應而為說法，令發道意。

子二、勤修行^三
丑一、勤修法樂

復言：「汝等已發道意，有法樂可以自娛，不應復樂五欲樂也。」

丑二、天女請問

天女即問：「何謂法樂？」

丑三、淨名答

A、樂歸三寶

B、樂離異諦

答言：「樂常信佛，樂欲聽法，樂供養眾，樂離五欲；

C、樂觀苦諦

樂觀五陰如怨賊，樂觀四大如毒蛇，樂觀內入如空聚；

D、勤修道諦：一、修行本

二、正行

樂隨護道意；樂饒益眾生；樂敬養師。樂廣行施，樂堅持戒，樂忍辱柔和，樂勤集善根，樂禪定

不亂，樂離垢明慧。

三、明過行

樂廣菩提心；樂降伏眾魔；樂斷諸煩惱；樂淨佛國土；樂成就相好故，修諸功德；樂嚴道場；樂

聞深法不畏；樂三脫門，不樂非時；樂近同學，樂於非同學中，心無志礙；樂將護惡知識，樂近善知識；樂心喜清淨；樂修無量道品之法。

E、結成法樂

是為菩薩法樂。 ▫

癸七、魔之女

魔欲誘女

「於是波旬告諸女言：『我欲與汝俱還天宮。』」

女樂法樂不還

諸女言：『以我等與此居士，有法樂，我等甚樂，不復樂五欲樂也。』」

魔就乞女

魔言：『居士可捨此女？一切所有施於彼者，是為菩薩。』」

癸八、淨名還女

淨名還女

維摩詰言：『我已捨矣！汝便將去，令一切眾生得法願具足。』」

諸女請法欲還

於是諸女問維摩詰：『我等云何，止於魔宮？』」

為說無盡法門

維摩詰言：「諸姊！有法門名無盡燈，汝等當學。無盡燈者，譬如一燈，燃百千燈，冥者皆明，明終不盡。」

如是，諸姊！夫一菩薩開導百千眾生，令發阿耨多羅三藐三菩提心，於其道意亦不減盡，隨所說法，而自增益一切善法，是名無盡燈也。

汝等雖住魔宮，以是無盡燈，令無數天子天女，發阿耨多羅三藐三菩提心者，為報佛恩，亦大饒益一切眾生。」

諸女致敬隨去

爾時天女頭面禮維摩詰足，隨魔還宮，忽然不現。

壬四、結辭不堪

世尊！維摩詰有如是自在神力，智慧辯才，故我不任詣彼問疾。」

庚四、命善得 三
辛一、命問疾

佛告長者子善得：「汝行詣維摩詰問疾。」

辛二、奉辭不堪^四

壬一、奉辭不堪

善得白佛言：「世尊！我不堪任詣彼問疾。」

壬二、述不堪之由

所以者何？憶念我昔自於父舍設大施會，供養一切沙門、婆羅門，及諸外道、貧窮、下賤、孤獨、乞人，期滿七日。

壬三、述被彈之事^六

癸一、正彈呵

時維摩詰來入會中，謂我言：「長者子！夫大施會不當如汝所設，當為法施之會，何用是財施會為？」

癸二、善應讚說

我言：「居士！何謂法施之會？」

癸三、淨名略答

「法施會者，無前無後，一時供養一切眾生，是名法施之會。」

癸四、善增重請

「何謂也？」

癸五、重為廣說 五

約四等

「謂以菩提，起於慈心；以救眾生，起大悲心；以持正法，起於喜心；以攝智慧，行於捨心。

約六度

以攝慳貪，起檀波羅蜜；以化犯戒，起尸羅波羅蜜；以無我法，起羼提波羅蜜；以離身心相，起

毘梨耶波羅蜜；以菩提相，起禪波羅蜜；以一切智，起般若波羅蜜。

約三脫

教化眾生，而起於空；不捨有為法，而起無相；示現受生，而起無作。

約眾行

護持正法，起方便力；以度眾生，起四攝法；以敬事一切，起除慢法；於身命財，起三堅法；

於六念中，起思念法；於六和敬，起質直心；正行善法，起於淨命；心淨歡喜，起近賢聖；不憎惡人，起調伏心；以出家法，起於深心；以如說行，起於多聞；以無諍法，起空閑處；趣向佛慧，起於宴坐；解眾生縛，起修行地；以具相好，及淨佛土，起福德業；知一切眾生心念，如應說法，起於智業；知一切法，不取不捨，入一相門，起於慧業；斷一切煩惱、一切障礙、一切不善法，起一切善業；以得一切智慧、一切善法，起於一切助佛道法；

結成法施

如是，善男子！是為法施之會。若菩薩住是法施會者，為大施主，亦為一切世間福田。』

癸六、時眾得益 三
子一、婆羅門發心

「世尊！維摩詰說是法時，婆羅門眾中二百人，皆發阿耨多羅三藐三菩提心。

子二、善淨清淨

A、善淨心淨清淨致敬供養

B、淨名謙讓不受

我時心得清淨，歎未曾有！稽首禮維摩詰足，即解瓔珞價直百千以上之，不肯取。

C、善淨夏請令受

我言：『居士！願必納受，隨意所與。』

D、淨名受已迴施：一、迴施莊嚴兩田

維摩詰乃受瓔珞，分作二分，持一分施此會中一最下乞人，持一分奉彼難勝如來。

眾見瓔珞在彼佛上

一切眾會皆見光明國土難勝如來，又見珠瓔在彼佛上變成四柱寶臺，四面嚴飾，不相障蔽。

淨名略說法施之會

時維摩詰現神變已，作是言：「若施主等心施一最下乞人，猶如如來福田之相，無所分別，等于

大悲，不求果報，是則名曰具足法施。」

城中乞人發菩提心

城中一最下乞人，見是神力，聞其所說，皆發阿耨多羅三藐三菩提心。

壬四、結辭不堪

故我不任詣彼問疾。」

己二、命諸菩薩

如是諸菩薩各各向佛說其本緣，稱述維摩詰所言，皆曰：「不任詣彼問疾！」

文殊師利問疾品第五

丁二、明引接攝受 ^三
戊一、略明權實二疾 ^二
己一、佛命文殊

爾時佛告文殊師利：「汝行詣維摩詰問疾。」

己二、文殊恭命 ^五
庚一、恭命問疾 ^二
辛一、先自謙 ^二
壬一、自謙

文殊師利白佛言：「世尊！彼上人者，難為訓對。」

壬二、出謙難之事

^二智深廣

因果瓊滿

深達實相，善說法要，辯才無滯，智慧無礙。一切菩薩法式悉知，諸佛祕藏無不得入。

化他功大

結二智究竟

降伏眾魔，遊戲神通。其慧方便，皆已得度。

辛二、正恭命

雖然，當承佛聖旨，詣彼問疾。」

庚二、大眾俱往

於是眾中諸菩薩、大弟子、釋、梵、四天王，咸作是念：「今二大士，文殊師利、維摩詰共談，必說妙法！」即時八千菩薩、五百聲聞、百千天、人皆欲隨從。

於是文殊師利與諸菩薩、大弟子眾及諸天、人，恭敬圍繞，入毘耶離大城。

庚三、實主往護^四

辛一、淨名空室現相

神力空室

爾時長者維摩詰心念：「今文殊師利與大眾俱來！」即以神力空其室內，除去所有及諸侍者；

以疾而臥

唯置一床，以疾而臥。

辛二、文殊見相知表

文殊師利既入其舍，見其室空，無諸所有，獨寢一床。

辛三、淨名稱歎文殊

正稱歎

釋歎

時維摩詰言：「善來，文殊師利！不來相而來，不見相而見。」

辛四、文殊述成其言

文殊釋解印可述成

文殊釋述成

文殊師利言：「如是！居士！若來已，更不來；若去已，更不去。所以者何？來者無所從來，去者無所至，所可見者，更不可見。」

庚四、正明問疾 二

辛一、般若佛旨

正般若

總述佛意

且置是事，居士！是疾寧可忍不？療治有損，不至增乎！世尊慇懃，致問無量，

辛二、文殊自述己情 二
壬一、問界中權疾 三
癸一、界疾因起 三
子一、文殊問 三

問疾生因起

問疾生久近

問滅疾之法

居士是疾，何所因起？其生久如？當云何滅？」

子二、淨名答 二
丑一、答第二第三問 三
寅一、正疊答兩問 三

答第二問疾生

答第三問疾滅

維摩詰言：「從癡有愛，則我病生。以一切眾生病，是故我病。若一切眾生病滅，則我病滅。」

寅二、釋前兩答

所以者何？菩薩為眾生故入生死，有生死則有病；若眾生得離病者，則菩薩無復病。

寅三、譬顯

A、問譬：一、問有病譬

二、問病愈譬

譬如長者，唯有一子，其子得病，父母亦病；若子病愈，父母亦愈。

B、合譬：一、合有權疾譬

合權疾愈譬

菩薩如是，於諸眾生，愛之若子，眾生病則菩薩病；眾生病愈，菩薩亦愈。

丑二、答第一問

又言是疾，何所因起？菩薩病者，以大悲起。」

癸二、問室空無侍者 =
子一、問

文殊師利言：「居士此室，何以空無侍者？」

子二、答 =
丑一、答室空

維摩詰言：「諸佛國土亦復皆空。」

又問：「以何為空？」答曰：「以空空。」

又問：「空何用空？」答曰：「以無分別空故空。」

又問：「空可分別耶？」答曰：「分別亦空。」

又問：「空當於何求？」答曰：「當於六十二見中求。」

又問：「六十二見當於何求？」答曰：「當於諸佛解脫中求。」

又問：「諸佛解脫當於何求？」答曰：「當於一切眾生心行中求。」

丑二、答無侍者

正答

又仁所問：「何無侍者？」一切眾魔及諸外道，皆吾侍也。

釋出

所以者何？眾魔者樂生死，菩薩於生死而不捨；外道者樂諸見，菩薩於諸見而不動。」

癸三、文殊問疾相

問疾觀相

文殊師利言：「居士所疾，為何等相？」維摩詰言：「我病無形不可見。」

問疾用

又問：「此病身合耶？心合耶？」答曰：「非身合，身相離故；亦非心合，心如幻故。」

問成疾之法

又問：「地大、水大、火大、風大，於此四大，何大之病？」答曰：「是病非地大，亦不離地大；水、火、風大，亦復如是。而眾生病，從四大起，以其有病，是故我病。」

壬二、問因中實疾 二
癸一、為信行人問 二
子一、文殊問

爾時文殊師利問維摩詰言：「菩薩應云何慰喻有疾菩薩？」

子二、淨名答 四
丑一、用藏助週譬喻 二
寅一、從果假入空

維摩詰言：「說身無常，不說厭離於身；說身有苦，不說樂於涅槃；說身無我，而說教導眾生；

說身空寂，不說畢竟寂滅；

寅二、從因假入空

說悔先罪，而不說入於過去。

丑二、用別教譬喻 二

勤起悲心

勤發願饒益

勤修福慧

勤生勇健心

以己之疾，愍於彼疾，當識宿世無數劫苦；當念饒益一切眾生；憶所修福，念於淨命；勿生憂惱，

勤修精進

常起精進。

丑三、用圓教譬喻

當作醫王，療治眾病。

丑四、結成

菩薩應如是慰喻有疾菩薩，令其歡喜。」

癸二、為法行人問^三
子一、文殊問

文殊師利言：「居士！有疾菩薩云何調伏其心？」

子二、淨名答^三
丑一、從假入空調伏界內見思之疾^三
寅一、入眾生假空

約因破果

維摩詰言：「有疾菩薩應作是念：『今我此病，皆從前世妄想顛倒諸煩惱生，無有實法，誰受病者！

約果破因

所以者何？四大合故，假名為身。四大無主，身亦無我；又此病起，皆由著我。是故於我，不應

生著。」^四

結成

既知病本，即除我想、及眾生想。

實二、入實法假空

先分別法

當起法想，應作是念：「但以眾法，合成此身；起唯法起，滅唯法滅。又此法者，各不相知，起時不言我起，滅時不言我滅。」

破除法想

彼有疾菩薩為滅法想，當作是念：「此法想者，亦是顛倒，顛倒者是即大患，我應離之。」

云何為離？離我、我所。

云何離我、我所？謂離二法。

云何離二法？謂不念內外諸法，行於平等。

云何平等？謂我等、涅槃等。

釋我及涅槃，是二皆空

所以者何？我及涅槃，此二皆空。

以何為空？但以名字故空。如此二法，無決定性。

實三、入平等假空

得是平等；無有餘病，唯有空病；空病亦空。

丑二、從空入假調伏無知之疾 五
實一、神根利者堪出假

是有疾菩薩，以無所受而受諸受。

實二、大精進能為眾生集佛法

未具佛法，亦不減受而取證也。

實三、入假起悲

「設身有苦，念惡趣眾生，起大悲心。

實四、弘誓

A、翻本願化物

B、明去取

C、正化物

我既調伏，亦當調伏一切眾生。但除其病，而不除法。為斷病本而教導之。

D、傳釋：一、釋出病本

二、釋教化斷除

何謂病本？謂有攀緣，從有攀緣，則為病本。何所攀緣？謂之三界。云何斷攀緣？以無所得，若無所得，則無攀緣。

二、釋教化斷除

何謂無所得？謂離二見。何謂二見？謂內見外見，是無所得。

實五、勇健心結釋前四

結釋

文殊師利！是為有疾菩薩調伏其心，為斷老病死苦，是菩薩菩提。若不如是，已所修治，為無慧利。

譬顯

譬如勝怨，乃可為勇。如是兼除老病死者，菩薩之謂也。

丑三、中道正觀調伏無明實疾 二

實一、正明中觀 二

卯一、明觀體

自觀

觀眾生

「彼有疾菩薩應復作是念：『如我此病，非真非有；眾生亦非真非有。』」

卯二、顯非^三
辰一、約愛見大悲

A、正明起愛見

作是觀時，於諸眾生若起愛見大悲，即應捨離。

B、釋是非：一、除失

二、顯得

所以者何？菩薩斷除客塵煩惱而起大悲。愛見悲者，則於生死有疲厭心。若能離此，無有疲厭，在在所生，不為愛見之所覆也。所生無縛，能為眾生說法解縛。

C、引佛語證

D、結勸捨

如佛所說：『若自有縛，能解彼縛，無有是處！若自無縛，能解彼縛，斯有是處。』是故菩薩不應起縛。

辰二、約禪定

顯非

顯是

何謂縛？何謂解？貪著禪味，是菩薩縛；以方便生，是菩薩解。

辰三、約二智^二
巳一、約修行辨二智^三
午一、標章

標實智縛脫章門

擇權智縛脫章門

又無方便慧縛，有方便慧解；無慧方便縛，有慧方便解。

十二、解釋

無方便慧縛

何謂無方便慧縛？謂菩薩以愛見心莊嚴佛土、成就眾生；於空、無相、無作法中，而自調伏，是名無方便慧縛。

有方便慧解

何謂有方便慧解？謂不以愛見心莊嚴佛土、成就眾生，於空、無相、無作法中，以自調伏，而不疲厭，是名有方便慧解。

無慧方便縛

何謂無慧方便縛？謂菩薩住貪欲、瞋恚、邪見等諸煩惱，而殖眾德本，是名無慧方便縛。

有慧方便解

何謂有慧方便解？謂離諸貪欲、瞋恚、邪見等諸煩惱，而植眾德本；迴向阿耨多羅三藐三菩提，是名有慧方便解。

午三、總結

文殊師利！彼有疾菩薩，應如是觀諸法。

巳二、約真應辨二智 =
午一、觀身有實疾權疾

實智

權智

又復觀身無常、苦、空、非我，是名為慧。雖身有疾，常在生死，饒益一切，而不厭倦，是名方便。

午二、觀身疾不離不滅

實智

權智

又復觀身，身不離病，病不離身，是病是身，非新非故，是名為慧。設身有疾，而不永滅，是名方便。

寅二、道觀雙流 =
卯一、結對觀

調伏觀成

「文殊師利！有疾菩薩應如是調伏其心，不住其中，亦復不住不調伏心。」

結過釋

所以者何？若住不調伏心，是愚人法；若住調伏心，是聲聞法。

結成行本

是故菩薩不當住於調伏、不調伏心，離此二法，是菩薩行。

卯二、正明 五
辰一、雙明雙流行

中觀相應入俗不雜

入偏真而不取證

入真

入俗

在於生死，不為污行，住於涅槃，不永滅度，是菩薩行；非凡夫行，非賢聖行，是菩薩行；

入真

入俗

非垢行，非淨行，是菩薩行。

辰二、單明雙流行

入俗

入真

雖過魔行，而現降伏眾魔，是菩薩行；求一切智，無非時求，是菩薩行；

入真

入俗

雖觀諸法不生，而不入正位，是菩薩行；雖觀十二緣起，而入諸邪見，是菩薩行；

入俗

入真

雖攝一切眾生，而不愛著，是菩薩行；雖樂遠離，而不依身心盡，是菩薩行；

入俗

雖行三界，而不壞法性，是菩薩行；雖行於空，而植眾德本，是菩薩行；

入真

入真

雖行無相，而度眾生，是菩薩行；雖行無作，而現受身，是菩薩行；雖行無起，而起一切善行，
是菩薩行；

入俗

雖行六波羅蜜，而遍知眾生心、心數法，是菩薩行；

入真

入俗

雖行六通，而不盡漏，是菩薩行；雖行四無量心，而不貪著生於梵世，是菩薩行；

入俗

雖行禪定解脫三昧，而不隨禪生，是菩薩行。

長三、約道品正觀明雙流行

雖行四念處，而不永離身受心法，是菩薩行；雖行四正勤，而不捨身心精進，是菩薩行；

雖行四如意足，而得自在神通，是菩薩行；雖行五根，而分別眾生諸根利鈍，是菩薩行；

雖行五力，而樂求佛十力，是菩薩行；雖行七覺分，而分別佛之智慧，是菩薩行；

雖行八正道，而樂行無量佛道，是菩薩行；雖行止觀助道之法，而不畢竟墜於寂滅，是菩薩行。

辰四、約現相自在明雙流行

雖行諸法不生不滅，而以相好莊嚴其身，是菩薩行；

雖現聲聞、辟支佛威儀，而不捨佛法，是菩薩行；

雖隨諸法究竟淨相，而隨所應為現其身，是菩薩行。

辰五、約依正明雙流行

結成佛國因果端宗

雖觀諸佛國土永寂如空，而現種種清淨佛土，是菩薩行；

結成住不思議解脫之體用

雖得佛道轉于法輪，入於涅槃，而不捨於菩薩之道，是菩薩行。」

庚五、時眾得益

說是語時，文殊師利所將大眾，其中八千天子，皆發阿耨多羅三藐三菩提心。

不思議品第六

戊二、廣釋檀疾^六

己一、身子為眾坐^五

庚一、身子生念

爾時舍利弗見此室中無有床座，作是念：「斯諸菩薩、大弟子眾，當於何坐？」

庚二、淨名問

長者維摩詰知其意，語舍利弗言：「云何仁者！為法來耶？求床座耶？」

庚三、身子答

舍利弗言：「我為法來，非為床座。」

庚四、淨名彈呵^三

辛一、呵違心

維摩詰言：「唯，舍利弗！夫求法者，不貪軀命，何況床座？」

辛二、約法呵^四

壬一、約隆入三界呵

夫求法者，非有色、受、想、行、識之求，非有界、入之求，非有欲、色、無色之求。

壬二、約三寶呵

唯，舍利弗！夫求法者，不著佛求，不著法求，不著眾求。

壬三、總約四諦呵

呵

夫求法者，無見苦求，無斷集求，無造盡證、修道之求。

釋

所以者何？法無戲論，若言我當見苦、斷集、證滅、修道，是則戲論，非求法也。

壬四、別約四諦呵

呵苦諦

唯，舍利弗！法名寂滅，若行生滅，是求生滅，非求法也。

呵集諦

法名無染，若染於法，乃至涅槃，是則染著，非求法也；

法無行處，若行於法，是則行處，非求法也。

呵滅諦

法無取捨，若取捨法，是則取捨，非求法也；

法無處所，若著處所，是則著處，非求法也；

法名無相，若隨相識，是則求相，非求法也；

法不可住，若住於法，是則住法，非求法也。

呵進諦

法不可見、聞、覺知，若行見、聞、覺知，是則見、聞、覺知，非求法也；

法名無為，若行有為，是求有為，非求法也。

辛三、結呵

是故，舍利弗！若求法者，於一切法，應無所求。」

庚五、天子得法眼淨

說是語時，五百天子於諸法中得法眼淨。

己二、淨名偈座^六

庚一、問文殊有好座處

爾時長者維摩詰，問文殊師利：「仁者遊於無量千萬億阿僧祇國，何等佛土有好上妙功德成就師子之座？」

庚二、文殊答座處

文殊師利言：「居士！東方度三十六恆河沙國，有世界名須彌相，其佛號須彌燈王，今現在。彼佛身長八萬四千由旬，其師子座高八萬四千由旬，嚴飾第一。」

庚三、現神力偈座

於是長者維摩詰現神通力，

庚四、燈王蓮座

即時彼佛遣三萬二千師子座，高度嚴淨，來入維摩詰室。

庚五、大眾歡仰

諸菩薩、大弟子、釋、梵、四天王等，昔所未見。其室廣博，悉皆包容三萬二千師子座，無所妨

礙。於毘耶離城，及閻浮提四天下，亦不迫迕，悉見如故。

庚六、淨名令眾就座

A、命文殊等就座

B、得神通者稱座而坐

爾時維摩詰語文殊師利：「就師子座。」與諸菩薩上人俱坐，當自立身如彼座像。其得神通菩薩，

即自變形為四萬二千由旬，坐師子座。

C、新發意等皆不能昇：一、新發意等皆不能昇

二、語身子就座

三、身子雖不能昇

諸新發意菩薩及大弟子皆不能昇。爾時維摩詰語舍利弗：「就師子座。」舍利弗言：「居士！此座

高廣，吾不能昇。」

四、令禮燈王

五、新發意等作禮方昇

維摩詰言：「唯，舍利弗！為須彌燈王如來作禮，乃可得坐。」於是新發意菩薩及大弟子即為須

彌燈王如來作禮，便得坐師子座。

己三、不思議神用^二

庚一、身子歎未曾有

舍利弗言：「居士！未曾有也，如是小室，乃容受此高廣之座，於毘耶離城，無所妨礙，又於閻

浮提聚落、城邑，及四天下諸天、龍王、鬼神宮殿，亦不迫迤。」

庚二、淨名廣明神用^三

辛一、顯不思議之體

維摩詰言：「唯，舍利弗！諸佛菩薩，有解脫，名不可思議。

辛二、住不思議之智

若菩薩住是解脫者，

辛三、不思議之大用^二

壬一、略別明不思議用

一、依正相對

以須彌之高度內芥子中無所增減，須彌山王本相如故，而四天王、忉利諸天不覺不知己之所入，

唯應度者乃見須彌入芥子中，是名不可思議解脫法門。

又以四大海水入一毛孔，不燒魚、鼈、龜、鼉水性之屬，而彼大海本相如故，諸龍、鬼神、阿修

羅等，不覺不知己之所入，於此眾生亦無所燒。

二、擲世界去還相對

又，舍利弗！住不可思議解脫菩薩，斷取三千大千世界，如陶家輪，著右掌中，擲過恆沙世界之外，其中眾生，不覺不知己之所往。

又復還置本處，都不使人有往來想，而此世界本相如故。

三、延促相對

又，舍利弗！或有眾生，樂久住世而可度者，菩薩即演七日以為一劫，令彼眾生謂之一劫。

或有眾生不樂久住，而可度者，菩薩即促一劫以為七日，令彼眾生謂之七日。

四、彼此相對

又，舍利弗！住不可思議解脫菩薩，以一切佛土嚴飾之事，集在一國，示於眾生。

又菩薩以一佛土眾生置之右掌，飛到十方遍示一切，而不動本處。

五、國土所有相對

又，舍利弗！十方眾生供養諸佛之具，菩薩於一毛孔，皆令得見。

又十方國土所有日、月、星宿，於一毛孔普使見之。

六、風火相對

又，舍利弗！十方世界所有諸風，菩薩悉能吸著口中，而身無損，外諸樹木，亦不摧折。

又十方世界劫盡燒時，以一切火內於腹中，火事如故，而不為害。

七、上下相對

又於下方過恒河沙等諸佛世界，取一佛土，舉著上方，過恒河沙無數世界，如持鍼鋒舉一粟葉，而無所燒。

八、身聲相對

又，舍利弗！住不可思議解脫菩薩，能以神通現作佛身，或現辟支佛身，或現聲聞身，或現帝釋身，或現梵王身，或現世主身，或現轉輪王身。

又十方世界所有眾聲，上中下音，皆能變之，令作佛聲，演出無常、苦、空、無我之音。及十方諸佛所說種種之法，皆於其中普令得聞。

壬二、總廣明不思議用

舍利弗！我今略說菩薩不可思議解脫之力，若廣說者，窮劫不盡。」

己四、迦葉欣仰 二

庚一、自稱歎

是時大迦葉聞說菩薩不可思議解脫法門，歎未曾有。

庚二、說可歎事

A、小乘聞不能解；一、開著

二、合著

謂舍利弗：「譬如有人，於盲者前現眾色像，非彼所見；一切聲聞聞是不可思議解脫法門，不能解了，為若此也！」

B、勤智者發心

C、自責聲聞無分

智者聞是，其誰不發阿耨多羅三藐三菩提心？我等何為永絕其根，於此大乘，已如敗種！一切聲聞聞是不可思議解脫法門，皆應號泣，聲震三千大千世界。

D、慶菩薩得利；一、慶勤頂受

二、住此法門，即知魔幻

一切菩薩應大欣慶，頂受此法。若有菩薩信解不可思議解脫法門者，一切魔眾無如之何。」

己五、時眾得益

大迦葉說是語時，三萬二千天子皆發阿耨多羅三藐三菩提心。

己六、淨名述成

述魔不能壞

爾時維摩詰語大迦葉：「仁者！十方無量阿僧祇世界中作魔王者，多是住不可思議解脫菩薩。以方便力，教化眾生，現作魔王。

明住不可思議菩薩，能成就行人

又，迦葉！十方無量菩薩，或有人從乞手足耳鼻、頭目髓腦、血肉皮骨、聚落城邑、妻子奴婢、象馬車乘、金銀琉璃、車磔、馬碓、珊瑚、琥珀、真珠、珂貝、衣服飲食，如此乞者，多是住不可思議解脫菩薩，以方便力，而往試之，令其堅固。

所以者何？住不可思議解脫菩薩，有威德力，故行逼迫，示諸眾生，如是難事；凡夫下劣，無有力勢，不能如是逼迫菩薩。

譬如龍象蹴踏，非驢所堪。是名住不可思議解脫菩薩智慧方便之門。」

觀眾生品第七

戊三、廣釋實疾^三

己一、正明從假入空觀^四

庚一、觀眾生從假入空^三

辛一、文殊問

爾時文殊師利問維摩詰言：「菩薩云何觀於眾生？」

辛二、淨名答^三

壬一、觀眾生世諦

如幻譬

隨理

維摩詰言：「譬如幻師，見所幻人，菩薩觀眾生為若此。如智者見水中月，如鏡中見其面像，如

熱時焰；

隨情

如呼聲響，如空中雲，如水聚沫，如水上泡，如芭蕉堅，如電久住。

壬二、觀眾生真諦

如第五大，如第六陰，如第七情，如十三入，如十九界，菩薩觀眾生為若此。

壬三、觀眾生中道

如無色界色，如焦穀牙，如須陀洹身見，如阿那含入胎，如阿羅漢三毒，如得忍菩薩貪恚毀禁，
如佛煩惱習，如盲者見色，如入滅盡定出入息，如空中鳥跡，如石女兒，如化人煩惱，如夢所見已寤，
如滅度者受身，如無因之火，菩薩觀眾生為若此。」

庚二、觀眾生起四無量心^四

辛一、慈心^二

壬一、問

文殊師利言：「若菩薩作是觀者，云何行慈？」

壬二、答^四

癸一、約智護

維摩詰言：「菩薩作是觀已，自念：『我當為眾生說如斯法。』是即真實慈也。」

癸二、約斷護

行寂滅慈，無所生故；行不熱慈，無煩惱故；行等之慈，等三世故；行無諍慈，無所起故；行不

二慈，內外不合故；行不壞慈，畢竟盡故；行堅固慈，心無毀故；行清淨慈，諸法性淨故；行無邊慈，如虛空故。

癸三、約聖護

行阿羅漢慈，破結賊故；行菩薩慈，安眾生故；行如來慈，得如相故；行佛之慈，覺眾生故；行自然慈，無因得故；行菩提慈，等一味故。

癸四、約眾行

行無等慈，斷諸愛故；行大悲慈，導以大乘故；行無厭慈，觀空無我故；行法施慈，無遺惜故；行持戒慈，化毀禁故；行忍辱慈，護彼我故；行精進慈，荷負眾生故；行禪定慈，不受味故；行智慧慈，無不知時故；行方便慈，一切示現故；行無隱慈，直心清淨故；行深心慈，無雜行故；行無誑慈，不虛假故；行安樂慈，令得佛樂故。菩薩之慈，為若此也。」

辛二、悲心

文殊師利又問：「何謂為悲？」

答曰：「菩薩所作功德，皆與一切眾生共之。」

辛三、喜心

「何謂為喜？」

答曰：「有所饒益，歡喜無悔。」

辛四、捨心

「何謂為捨？」

答曰：「所作福祐，無所希望。」

庚三、法瓊鬘眾生源^二

辛一、約四弘成四無量心

A：成辦無量心：一、修辦依如來功德

文殊師利又問：「生死有畏，菩薩當何所依？」維摩詰言：「菩薩於生死畏中，當依如來功德之力。」

重決依如來功德

文殊師利又問：「菩薩欲依如來功德之力，當於何住？」答曰：「菩薩欲依如來功德力者，當住度脫一切眾生。」

B、成悲無量心

又問：「欲度眾生，當何所除？」答曰：「欲度眾生，除其煩惱。」

C、成善無量心

又問：「欲除煩惱，當何所行？」答曰：「當行正念。」

D、成捨無量心

又問：「云何行於正念？」答曰：「當行不生不滅。」

又問：「何法不生？何法不滅？」答曰：「不善不生，善法不滅。」

辛二、正明窮眾生源

又問：「善不善孰為本？」答曰：「身為本。」

又問：「身孰為本？」答曰：「欲貪為本。」

又問：「欲貪孰為本？」答曰：「虛妄分別為本。」

又問：「虛妄分別孰為本？」答曰：「顛倒想為本。」

又問：「顛倒想孰為本？」答曰：「無住為本。」

又問：「無住孰為本？」答曰：「無住則無本。文殊師利！從無住本，立一切法。」

庚四、天女散華⁴

辛一、二解脫遊塵不同

A、天女開法現身

B、散華供養

時維摩詰室有一天女，見諸大人間所說法，便現其身，即以天華，散諸菩薩、大弟子上。

C、至菩薩處遊

D、至大弟子處者：一、華至便者 二、神力不能去華

華至諸菩薩，即皆墮落，至大弟子，便著不墮。一切弟子神力去華，不能令去。

三、天女問意

四、身子答意

爾時天問舍利弗：「何故去華？」答曰：「此華不如法，是以去之。」

五、天女彈呵：1、正彈呵

2、釋出淨矣

天曰：「勿謂此華為不如法。所以者何？是華無所分別，仁者自生分別想耳！若於佛法出家，有

所分別，為不如法；若無所分別，是則如法。觀諸菩薩華不著者，已斷一切分別想故。

3、譬

4、結

譬如人畏時，非人得其便；如是弟子畏生死故，色·聲·香·味·觸得其便也。已離畏者，一切

五欲無能為也；結習未盡，華著身耳！結習盡者，華不著也。」

辛二、二解脫體異^四

壬一、身子約事問天以理答

身子約事問

天以理答

舍利弗言：「天止此室，其已久如？」答曰：「我止此室，如耆年解脫。」

身子心迷置問

天還以理答

身子悟，默而頓解

舍利弗言：「止此久耶？」天曰：「耆年解脫，亦何如久？」舍利弗默然不答。

壬二、天以事問身子以理答

天以事問

身子以理答

天曰：「如何耆舊大智而默？」答曰：「解脫者無所言說，故吾於是不知所云。」

天辨不思議解脫相

解釋

天曰：「言說文字，皆解脫相。所以者何？解脫者，不內、不外，不在兩間，文字亦不內不外，不在兩間。」

結會

是故，舍利弗！無離文字說解脫也。所以者何？一切諸法是解脫相。」

壬三、身子夏決天女彈呵

身子夏決

舍利弗言：「不復以離婬、怒、癡為解脫乎？」

天女彈呵

天曰：「佛為增上慢人，說離婬、怒、癡為解脫耳；若無增上慢者，佛說婬、怒、癡性，即是解脫。」

壬四、身子稱嘆

身子稱嘆

舍利弗言：「善哉，善哉！天女！汝何所得？以何為證？辯乃如是！」

天女答

天曰：「我無得無證，故辯如是。所以者何？若有得有證者，則於佛法為增上慢。」

辛三、二股力用不同 二

壬一、身子問

舍利弗問天：「汝於三乘，為何志求？」

壬二、天答^三
癸一、化他

天曰：「以聲聞法化眾生故，我為聲聞；以因緣法化眾生故，我為辟支佛；以大悲法化眾生故，我為大乘。」

癸二、自斥^四
子一、正顯佛乘

譬

合

舍利弗！如人入瞻蔔林，唯嗅瞻蔔，不嗅餘香。如是，若入此室，但聞佛功德之香，不樂聞聲聞、辟支佛功德香也。

子二、引釋梵證

舍利弗！其有釋、梵、四天王，諸天、龍、鬼神等，入此室者，聞斯上人講說正法，皆樂佛功德之香，發心而出。

子三、止室十有二年

舍利弗！吾止此室，十有二年，初不聞說聲聞、辟支佛法，但聞菩薩大慈大悲，不可思議諸佛之

法。

子四、室有未曾有事^三
丑一、標章

舍利弗！此室常現八未曾有難得之法。

丑二、辨相

何等為八？此室常以金色光照，晝夜無異，不以日月所照為明，是為一未曾有難得之法；

此室入者，不為諸垢之所惱也，是為二未曾有難得之法；

此室常有釋梵四天王、他方菩薩來會不絕，是為三未曾有難得之法；

此室常說六波羅蜜不退轉法，是為四未曾有難得之法；

此室常作天人第一之樂，絃出無量法化之聲，是為五未曾有難得之法；

此室有四大藏，眾寶積滿，周窮濟乏，求得無盡，是為六未曾有難得之法；

此室釋迦牟尼佛、阿彌陀佛、阿閼佛、寶德、寶炎、寶月、寶嚴、難勝、師子響、一切利成，如

是等十方無量諸佛，是上人念時，即皆為來，廣說諸佛秘要法藏，說已還去，是為七未曾有難得之法；

此室一切諸天嚴飾宮殿，諸佛淨土，皆於中現，是為八未曾有難得之法。

丑三、結斥

舍利弗！此室常現八未曾有難得之法，誰有見斯不思議事，而復樂於聲聞法乎？」

辛四、不思議解脫神變自在 二

壬一、身子問

舍利弗言：「汝何以不轉女身？」

壬二、天答 三

癸一、不轉

天女問

天曰：「我從十二年來，求女人相了不可得。當何所轉？」

譬如幻師化作幻女，若有人問：「何以不轉女身？」是人為正問不？」

身子答

舍利弗言：「不也！幻無定相，當何所轉？」

彈呵

天曰：「一切諸法亦復如是，無有定相，云何乃問不轉女身？」

癸二、轉

天自變為身子問

即時天女以神通力，變舍利弗令如天女，天自化身如舍利弗，而問言：「何以不轉女身？」

身子以女像答

舍利弗以天女像而答言：「我今不知何轉，而變為女身？」

天為解釋

天曰：「舍利弗！若能轉此女身，則一切女人亦當能轉。如舍利弗非女而現女身，一切女人亦復

如是，雖現女身，而非女也。

引佛語證

是故佛說一切諸法非男、非女。」

癸三、非轉非不轉

攝神力還舍利弗身，問女相何在

即時天女還攝神力，舍利弗身還復如故。天問舍利弗：「女身色相，今何所在？」

身子答

舍利弗言：「女身色相，無在無不在。」

天印成中道，非轉非不轉

引佛語為證

天曰：「一切諸法，亦復如是，無在無不在。夫無在無不在者，佛所說也。」

辛五、不思議解脫出沒自在

身子問

天女答

舍利弗問天：「汝於此沒，當生何所？」天曰：「佛化所生，吾如彼生。」

身子重問

天女解說

曰：「佛化所生，非沒生也。」天曰：「眾生猶然，無沒生也。」

辛六、法身生身成道不同

A、身子約嚴過，問得道久近，天約不思議真諦答

舍利弗問天：「汝久如當得阿耨多羅三藐三菩提？」

天曰：「如舍利弗還為凡夫，我乃當成阿耨多羅三藐三菩提。」舍利弗言：「我作凡夫，無有是處。」

天曰：「我得阿耨多羅三藐三菩提，亦無是處。所以者何？菩提無住處，是故無有得者。」

B、身子約思議俗諦問，天還約不思議真諦答

舍利弗言：「今諸佛得阿耨多羅三藐三菩提，已得當得，如恒河沙，皆謂何乎？」天曰：「皆以世

俗文字數故，說有三世，非謂菩提有去來今。」

天曰：「舍利弗！汝得阿羅漢道耶？」曰：「無所得故而得。」

天曰：「諸佛、菩薩亦復如是，無所得故而得。」

辛七、淨名述成天女所說

久值諸佛

遊戲神通

爾時維摩詰語舍利弗：「是天女已曾供養九十二億佛。已能遊戲菩薩神通，所願具足。

得無生忍

願隨意現

得無生忍，住不退轉。以本願故，隨意能現，教化眾生。」

佛道品第八

己二、正明從空入假觀 ^三

庚一、明佛道 ^四

辛一、文殊略問

爾時文殊師利問維摩詰言：「菩薩云何通達佛道？」

辛二、淨名略答

維摩詰言：「若菩薩行於非道，是為通達佛道。」

辛三、文殊重問

又問：「云何菩薩行於非道？」

辛四、淨名廣答

約無間因果

答曰：「若菩薩行五無間，而無惱恚；至于地獄，無諸罪垢；至于畜生，無有無明憍慢等過；至

于餓鬼，而具足功德；

約色無色

行色，無色界道，不以為勝。

約三毒

示行貪欲，離諸染著；示行瞋恚，於諸眾生，無有恚礙；示行愚癡，而以智慧，調伏其心。

約十弊

示行慳貪，而捨內外所有，不惜身命；示行毀禁，而安住淨戒，乃至小罪，猶懷大懼；示行瞋恚，而常慈忍；示行懈怠，而勤修功德；示行亂意，而常念定；示行愚癡，而通達世間、出世間慧；示行諂偽，而善方便，隨諸經義；示行憍慢，而於眾生，猶如橋梁；示行諸煩惱，而心常清淨；示入於魔，而順佛智慧，不隨他教；

約二乘

示入聲聞，而為眾生，說未聞法；示入辟支佛，而成就大悲，教化眾生；

約人間諸惡果報

示入貧窮，而有寶手，功德無盡；示入形殘，而具諸相好，以自莊嚴；示入下賤，而生佛種性中，具諸功德；示入羸劣醜陋，而得那羅延身，一切眾生之所樂見；示入老病，而永斷病根，超越死畏；示有資生，而恒觀無常，實無所貪；示有妻妾綵女，而常遠離五欲淤泥；現於訥鈍，而成就辯才，總

持無失；示入邪濟，而以正濟，度諸眾生；現遍入諸道，而斷其因緣；

約入無餘

現於涅槃，而不斷生死。

總結

文殊師利！菩薩能如是行於非道，是為通達佛道。」

庚二、明如來種 五
辛一、淨名問

於是維摩詰問文殊師利：「何等為如來種？」

辛二、文殊答

略約菩提

廣約煩惱道

文殊師利言：「有身為種。無明有愛為種，貪恚癡為種，四顛倒為種，五蓋為種。

真實約菩提

真實略約煩惱道

約菩提

約煩惱總結

六入為種，七識處為種。八邪法為種，九惱處為種。十不善道為種。以要言之，六十二見及一切

煩惱，皆是佛種。」

辛三、淨名夏問

曰：「何謂也？」

辛四、文殊解釋
壬一、正答

答曰：「若見無為入正位者，不能復發阿耨多羅三藐三菩提心；

壬二、譬說

A、別譬：一、譬煩惱是為因種

譬如高原陸地，不生蓮華，卑濕淤泥乃生此華；如是見無為法入正位者，終不復能生於佛法；煩

惱泥中，乃有眾生起佛法耳！

二、譬不善業道為緣因種

又如殖種於空，終不得生！糞壤之地，乃能滋茂。如是入無為正位者，不生佛法。

三、譬善道為正因種

起於我見如須彌山，猶能發于阿耨多羅三藐三菩提心，生佛法矣！是故當知，一切煩惱，為如來

種。

B：總釋

譬如不下巨海，不能得無價寶珠。如是不入煩惱大海，則不能得一切智寶。」

辛五、大迦葉稱嘆頓解

A、正稱嘆頓解

爾時大迦葉歎言：「善哉，善哉！文殊師利！快說此語。誠如所言，塵勞之疇為如來種；我等今者，不復堪任發阿耨多羅三藐三菩提心，乃至五無間罪，猶能發意生於佛法，而今我等永不能發。

B、普顯

譬如根敗之士，其於五欲不能復利。如是聲聞諸結斷者，於佛法中無所復益，永不志願。

C、自評：一、正自評

二、釋自評意

是故，文殊師利！凡夫於佛法有返復，而聲聞無也。所以者何？凡夫聞佛法，能起無上道心，不斷三寶。正使聲聞終身聞佛法，力無畏等，永不能發無上道意。」

庚三、明法門眷屬 二

辛一、問

問眷屬

爾時會中有菩薩，名普現色身，問維摩詰言：「居士！父母妻子、親戚眷屬、吏民知識，悉為是

問 實 主

誰？奴婢僮僕、象馬車乘，皆何所在？」

辛二、答^四

壬一、自斥

於是維摩詰以偈答曰：

明 眷 屬

智度菩薩母 方便以為父 一切眾導師 無不由是生

法喜以為妻 慈悲心為女 善心誠實男 畢竟空寂舍

弟子眾塵勞 隨意之所轉 道品善知識 由是成正覺

諸度法等侶 四攝為伎女 歌詠誦法言 以此為音樂

明 實 主 具

總持之園苑 無漏法林樹 覺意淨妙華 解脫智慧果

八解之浴池 定水湛然滿 布以七淨華 浴此無垢人

象馬五通馳 大乘以為車 調御以一心 遊於八正路

相具以嚴容 眾好飾其姿 慚愧之上服 深心為華鬢

富有七財寶 教授以滋息 如所說修行 迴向為大利

四禪為床座 從於淨命生 多聞增智慧 以為自覺音

甘露法之食 解脫味為漿 淨心以澡浴 戒品為塗香

結自行圓滿

摧滅煩惱賊 勇健無能踰 降伏四種魔 勝幡建道場

壬二、化他^三
癸一、入假供養諸佛

雖知無起滅 示彼故有生 悉現諸國土 如日無不見

供養於十方 無量億如來 諸佛及己身 無有分別想

癸二、入假淨佛國土

雖知諸佛國 及與眾生空 而常修淨土 教化於群生

癸三、入假成就眾生

入假覺悟眾生

諸有眾生類	形聲及威儀	無畏力菩薩	一時能盡現
覺知眾魔事	而示隨其行	以善方便智	隨意皆能現
或示老病死	成就諸群生	了知如幻化	通達無有礙
或現劫盡燒	天地皆洞然	眾人有常想	照令知無常
無數億眾生	俱來請菩薩	一時到其舍	化令向佛道

入假教用世法

經書禁呪術	工巧諸伎藝	盡現行此事	饒益諸群生
世間眾道法	悉於中出家	因以解人惑	而不墮邪見

入假救物災難

或作日月天	梵王世界主	或時作地水	或復作風火
劫中有疾疫	現作諸藥草	若有服之者	除病消眾毒
劫中有飢饉	現身作飲食	先救彼飢渴	却以法語人

劫中有刀兵	為之起慈悲	化彼諸眾生	令住無諍地
若有大戰陣	立之以等力	菩薩現威勢	降伏使和安
<small>入假濟惡道苦</small>			
一切國土中	諸有地獄處	輒往到于彼	勉濟其苦惱
一切國土中	畜生相食噉	皆現生於彼	為之作利益
<small>入假厚事利物</small>			
示受於五欲	亦復現行禪	令魔心慣亂	不能得其便
火中生蓮華	是可謂希有	在欲而行禪	希有亦如是
或現作姪女	引諸好色者	先以欲鉤牽	後令入佛智
或為邑中主	或作商人導	國師及大臣	以祐利眾生
諸有貧窮者	現作無盡藏	因以勸導之	令發菩提心
我心憍慢者	為現大力士	消伏諸貢高	令住無上道
其有恐懼眾	居前而慰安	先施以無畏	後令發道心

或現離婬欲 為五通仙人 閑導諸群生 令住戒忍慈
見須供事者 現為作僮僕 既悅可其意 乃發以道心
隨彼之所須 得入於佛道 以善方便力 皆能給足之

壬三、結嘆自利化他

如是道無量 所行無有涯 智慧無邊際 度脫無數眾
假令一切佛 於無數億劫 讚歎其功德 猶尚不能盡

壬四、斥破二乘

誰聞如是法 不發菩提心 除彼不肖人 癡冥無智者

入不二法門品第九

己三、明中道正觀雙流^三

庚一、雙亡二邊正入中道^三

辛一、淨名問

爾時維摩詰謂眾菩薩言：「諸仁者！云何菩薩入不二法門？各隨所樂說之。」

辛二、諸菩薩各說^三

壬一、三十一菩薩說不二

會中有菩薩名法自在，說言：「諸仁者！生滅為二。法本不生，今則無滅，得此無生法忍，是為

入不二法門。」

德守菩薩曰：「我、我所為二。因有我故，便有所；若無有我，則無我所，是為入不二法門。」

不眴菩薩曰：「受、不受為二。若法不受，則不可得；以不可得，故無取無捨、無作無行，是為

入不二法門。」

德頂菩薩曰：「垢、淨為二。見垢實性，則無淨相，順於滅相，是為入不二法門。」

善宿菩薩曰：「是動、是念為二。不動則無念，無念即無分別。通達此者，是為入不二法門。」

善眼菩薩曰：「一相、無相為二。若知一相即是無相，亦不取無相，入於平等，是為入不二法門。」

妙臂菩薩曰：「菩薩心、聲聞心為二。觀心相空，如幻化者，無菩薩心、無聲聞心，是為入不二法門。」

弗沙菩薩曰：「善、不善為二。若不起善、不善，入無相際而通達者，是為入不二法門。」

師子菩薩曰：「罪、福為二。若達罪性，則與福無異，以金剛慧決了此相，無縛無解者，是為入不二法門。」

師子意菩薩曰：「有漏、無漏為二。若得諸法等，則不起漏、不漏想，不著於相，亦不住無相，是為入不二法門。」

淨解菩薩曰：「有為、無為為二。若離一切數，則心如虛空，以清淨慧無所礙者，是為入不二法門。」

那羅延菩薩曰：「世間、出世間為二。世間性空，即是出世間。於其中不入、不出、不溢、不散，是為入不二法門。」

善意菩薩曰：「生死、涅槃為二。若見生死性，則無生死，無縛無解，不然不滅，如是解者，是為入不二法門。」

現見菩薩曰：「盡、不盡為二。法若究竟，盡若不盡，皆是無盡相；無盡相即是空，空則無有盡不盡相。如是入者，是為入不二法門。」

普守菩薩曰：「我、無我為二。我尚不可得，非我何可得？見我實性者，不復起二，是為入不二法門。」

電天菩薩曰：「明、無明為二。無明實性即是明，明亦不可取，離一切數，於其中平等無二者，是為入不二法門。」

喜見菩薩曰：「色、色空為二。色即是空，非色滅空，色性自空。如是受、想、行、識、識空為二，識即是空，非識滅空，識性自空，於其中而通達者，是為入不二法門。」

明相菩薩曰：「四種異、空種異為二。四種性即是空種性，如前際、後際空，故中際亦空。若能如是知諸種性者，是為入不二法門。」

妙意菩薩曰：「眼、色為二。若知眼性，於色不貪、不恚、不癡，是名寂滅。如是耳聲、鼻香、舌味、身觸、意法為二，若知意性，於法不貪、不恚、不癡，是名寂滅，安住其中，是為入不二法門。」

無盡意菩薩曰：「布施、迴向一切智為二。布施性即是迴向一切智性，如是持戒、忍辱、精進、禪定、智慧、迴向一切智為二，智慧性即是迴向一切智性，於其中入一相者，是為入不二法門。」

深慧菩薩曰：「是空、是無相、是無作為二。空即無相，無相即無作；若空、無相、無作，則無心意識。於一解脫門即是三解脫門者，是為入不二法門。」

寂根菩薩曰：「佛、法、眾為二。佛即是法，法即是眾，是三寶皆無為相，與虛空等，一切法亦爾。能隨此行者，是為入不二法門。」

心無礙菩薩曰：「身、身滅為二。身即是身滅。所以者何？見身實相者，不起見身及見滅身，身與滅身無二無分別，於其中不驚、不懼者，是為入不二法門。」

上善菩薩曰：「身、口、意善為二。是三業皆無作相，身無作相，即口無作相；口無作相，即意無作相；是三業無作相，即一切法無作相。能如是隨無作慧者，是為入不二法門。」

福田菩薩曰：「福行、罪行、不動行為二。三行實性即是空，空則無福行、無罪行、無不動行。於此三行而不起者，是為入不二法門。」

華嚴菩薩曰：「從我起二為二。見我實相者，不起二法；若不住二法，則無有識。無所識者，是為入不二法門。」

德藏菩薩曰：「有所得相為二。若無所得，則無取捨。無取捨者，是為入不二法門。」

月上菩薩曰：「闇與明為二。無闇、無明，則無有二。所以者何？如入滅受想定，無闇、無明，一切法相亦復如是，於其中平等入者，是為入不二法門。」

寶印手菩薩曰：「樂涅槃、不樂世間為二。若不樂涅槃、不厭世間，則無有二。所以者何？若有縛，則有解。若本無縛，其誰求解？無縛無解，則無樂厭，是為入不二法門。」

珠頂王菩薩曰：「正道、邪道為二。住正道者，則不分別是邪是正，離此二者，是為入不二法門。」

樂實菩薩曰：「實、不實為二。實見者尚不見實，何況非實！所以者何？非肉眼所見，慧眼乃能見，而此慧眼，無見無不見，是為入不二法門。」

壬二、文殊說不二

諸菩薩問

如是諸菩薩各各說已，問文殊師利：「何等是菩薩入不二法門？」

文殊說

文殊師利曰：「如我意者，於一切法無言無說，無示無識，離諸問答，是為入不二法門。」

壬三、維摩默然無言

於是文殊師利問維摩詰：「我等各自說已，仁者當說何等是菩薩入不二法門？」

時維摩詰默然無言。

文殊師利歎曰：「善哉！善哉！乃至無有文字、語言，是真入不二法門。」

辛三、聞品得益

說是入不二法門品時，於此眾中，五千菩薩皆入不二法門，得無生法忍。

香積佛品第十

庚二、雙照二諦淨穢俱融 二
辛一、身子空食

於是舍利弗心念：「日時欲至，此諸菩薩當於何食？」

辛二、大士譏訶 三
壬一、譏

時維摩詰知其意而語言：「佛說八解脫，仁者受行，豈雜欲食而聞法乎？」

壬二、許食

若欲食者，且待須臾，當令汝得未曾有食。」

壬三、蓮化請 四
癸一、入三昧

入三昧

現請飯之圖

時維摩詰即入三昧，以神通力示諸大眾，上方界分過四十二恒河沙佛土，有國名眾香，佛號香積，

今現在。其國香氣，比於十方諸佛世界人、天之香，最為第一。彼土無有聲聞、辟支佛名，唯有清淨大菩薩眾，佛為說法。其界一切，皆以香作樓閣，經行香地，苑園皆香。其食香氣，周流十方無量世界。時彼佛與諸菩薩方共坐食，有諸天子皆號香嚴，悉發阿耨多羅三藐三菩提心，供養彼佛及諸菩薩，

大眾皆見

此諸大眾莫不目見。

癸二、蓮講飯

見講飯之人

文殊神力眾無言者

時維摩詰問眾菩薩：「諸仁者！誰能致彼佛飯？」以文殊師利威神力故，咸皆默然。

淨名訶

文殊引證為答

維摩詰言：「仁此大眾，無乃可恥？」文殊師利曰：「如佛所言，勿輕未學。」

化作菩薩嚴問訊

於是維摩詰不起于座，居眾會前，化作菩薩，相好光明，威德殊勝，蔽於眾會。

講飯之辭

而告之曰：「汝往上方界分，度如四十二恒河沙佛土，有國名眾香，佛號香積，與諸菩薩方共坐食。汝往到彼，如我辭曰：『維摩詰稽首世尊足下！致敬無量，問訊起居，少病少惱，氣力安不？

願得世尊所食之餘，當於娑婆世界施作佛事，令此樂小法者得弘大道，亦使如來名聲普聞。□」

癸三、到彼問訊宣旨 二
子一、正宣旨問訊請飯

禮敬

時化菩薩即於會前，昇于上方，舉眾皆見其去，到眾香界，禮彼佛足。

宣旨

又聞其言：「維摩詰稽首世尊足下！致敬無量，問訊起居，少病少惱，氣力安不？願得世尊所食之餘，欲於娑婆世界施作佛事，使此樂小法者得弘大道，亦使如來名聲普聞。」

子二、彼菩薩嘆歎

A、歎未曾有

B、生疑

彼諸大士見化菩薩，歎未曾有：「今此上人從何所來？娑婆世界為在何許？云何名為樂小法者？」

C、問佛

D、佛答：一、正答國土近遠，化主功德

即以問佛。佛告之曰：「下方度如四十二恒河沙佛土，有世界名娑婆；佛號釋迦牟尼，今現在。

於五濁惡世，為樂小法眾生敷演道教。

彼有菩薩名維摩詰，住不可思議解脫，為諸菩薩說法，故遣化來，稱揚我名，并讚此土，令彼菩薩增益功德。」

二、夏問大士之禮

彼菩薩言：「其人何如，乃作是化？德力無畏，神足若斯！」

三、佛答甚大

佛言：「甚大！一切十方皆遣化往，施作佛事，饒益眾生。」

癸四、受飯而還^四
子一、佛遣飯

於是香積如來以眾香鉢盛滿香飯，與化菩薩。

子二、菩薩俱發心欲來^三
丑一、陳其欲來

時彼九百萬菩薩俱發聲言：「我欲詣娑婆世界供養釋迦牟尼佛，并欲見維摩詰等諸菩薩眾。」

丑二、佛誡

攝香誡

攝形誡

佛言：「可往。攝汝身香，無令彼諸眾生起惑著心。又當捨汝本形，勿使彼國求菩薩者，而自鄙

恥。

勿輕心誠

又汝於彼莫懷輕賤，而作礙想。所以者何？十方國土，皆如虛空。又諸佛為欲化諸樂小法者，不盡現其清淨土耳！」

丑三、與化菩薩俱來

俱承力來

時化菩薩既受鉢飯，與彼九百萬菩薩俱，承佛威神，及維摩詰力，於彼世界，忽然不現，須臾之間，至維摩詰舍。

淨名化現

菩薩皆坐

時維摩詰即化作九百萬師子之座，嚴好如前，諸菩薩皆坐其上。

子三、奉授飯與大士 二

丑一、飯香熏烈

時化菩薩以滿鉢香飯與維摩詰，飯香普熏毘耶離城，及三千大千世界。

丑二、緣召自來

諸居士等來

月蓋來

時毘耶離婆羅門、居士等，聞是香氣，身意快然，歎未曾有！於是長者主月蓋從八萬四千人，來入維摩詰舍。見其室中菩薩甚多，諸師子座，高廣嚴好，皆大歡喜，禮眾菩薩及大弟子，却住一面。

諸神來

諸地神、虛空神及欲、色界諸天，聞此香氣，亦皆來入維摩詰舍。

子四、命大弟子共食^四

丑一、命食

時維摩詰語舍利弗等諸大聲聞：「仁者可食，如來甘露味飯。大悲所熏，

丑二、勸捨小心

無以限意食之，使不消也。」

丑三、異聲聞竊念

有異聲聞念：「是飯少，而此大眾人人當食？」

丑四、化菩薩彈

歎飯功德

化菩薩曰：「勿以聲聞小德小智，稱量如來無量福慧！四海有竭，此飯無盡！使一切人食，揣若須彌，乃至一劫，猶不能盡。

所以者何？無盡戒、定、智慧、解脫、解脫知見功德具足者，所食之餘，終不可盡。」

述飯功德

於是鉢飯悉飽眾會，猶故不餓。其諸菩薩、聲聞、天、人，食此飯者，身安快樂，譬如一切樂莊嚴國諸菩薩也。又諸毛孔皆出妙香，亦如眾香國土諸樹之香。

壬四、二土佛所化不同 二
癸一、淨名問他方

淨名問

爾時維摩詰問眾香菩薩：「香積如來以何說法？」

答淨所

彼菩薩曰：「我土如來無文字說，但以眾香令諸天、人得入律行。菩薩各各坐香樹下，聞斯妙香，即獲一切德藏三昧。得是三昧者，菩薩所有功德皆悉具足。」

癸二、破菩薩問淨名 ^六
子一、問

彼諸菩薩問維摩詰：「今世尊釋迦牟尼以何說法？」

子二、答 ^二
丑一、開五眾之教化

維摩詰言：「此土眾生剛強難化，故佛為說剛強之語以調伏之。」

A、人天乘：一、苦果

二、苦因

言是地獄、是畜生、是餓鬼，是諸難處，是愚人生處；是身邪行，是身邪行報；是口邪行，是口邪行報；是意邪行，是意邪行報；是殺生，是殺生報；是不與取，是不與取報；是邪淫，是邪淫報；是妄語，是妄語報；是兩舌，是兩舌報；是惡口，是惡口報；是無義語，是無義語報；是貪嫉，是貪嫉報；是瞋惱，是瞋惱報；是邪見，是邪見報。

B、菩薩乘

是慳悋，是慳悋報；是毀戒，是毀戒報；是瞋恚，是瞋恚報；是懈怠，是懈怠報；是亂意，是亂意報；是愚癡，是愚癡報。

C、學問一支佛乘：一、戒藏

是結戒，是持戒，是犯戒；是應作，是不應作；是障礙，是不障礙；是得罪，是離罪；

二、定藏

三、三乘總藏

是淨，是垢；是有漏，是無漏；是邪道，是正道；是有為，是無為；是世間，是涅槃。

以難化之人，心如猿猴，故以若干種法，制御其心，乃可調伏。

丑二、譬顯

譬如象馬，慵悞不調，加諸楚毒，乃至徹骨，然後調伏。如是剛強難化眾生，故以一切苦切之言，乃可入律。」

子三、波菩薩稱歎

歎佛

彼諸菩薩聞說是已，皆曰：「未曾有也！如世尊釋迦牟尼佛，隱其無量自在之力，乃以貧所樂法，度脫眾生。」

歎菩薩

斯諸菩薩亦能勞謙，以無量大悲，生是佛土。」

子四、淨名述成

總歎

維摩詰言：「此土菩薩於諸眾生大悲堅固，誠如所言。然其一世饒益眾生，多於彼國百千劫行。

歷別十事

所以者何？此娑婆世界有十事善法，諸餘淨土之所無有。何等為十？以布施攝貧窮，以淨戒攝毀禁，以忍辱攝瞋恚，以精進攝懈怠，以禪定攝亂意，以智慧攝愚癡，說除難法度八難者，以大乘法度樂小乘者，以諸善根濟無德者，常以四攝成就眾生，是為十。」

子五、更問此土菩薩行

彼菩薩曰：「菩薩成就幾法？於此世界行無瘡疣，生于淨土。」

子六、淨名答

維摩詰言：「菩薩成就八法，於此世界行無瘡疣，生于淨土。

何等為八？饒益眾生，而不望報；代一切眾生受諸苦惱，所作功德盡以施之；等心眾生，謙下無

礙；於諸菩薩視之如佛；所未聞經，聞之不疑；不與聲聞而相違背；不嫉彼供，不高己利，而於其中調伏其心；常省己過，不訟彼短；恒以一心求諸功德，是為八法。」

壬五、時眾得益

維摩詰、文殊師利於大眾中說是法時，百千天、人皆發阿耨多羅三藐三菩提心，十千菩薩得無生法忍。

菩薩行品第十一

- 乙三、還歸佛所印定成經^二（如來對大眾遵宗明佛國因果）
- 丙一、明佛國之因^二
- 丁一、歸佛所^二
- 戊一、掌擎大眾俱注眷園^六
- 己一、現相

是時佛說法於菴羅樹園，其地忽然廣博嚴事，一切眾會皆作金色。

己二、阿難見相白佛

阿難白佛言：「世尊！以何因緣，有此瑞應？是處忽然廣博嚴事，一切眾會皆作金色。」

己三、佛為說

佛告阿難：「是維摩詰、文殊師利，與諸大眾恭敬圍繞，發意欲來，故先為此瑞應。」

己四、維摩唱欲注

於是維摩詰語文殊師利：「可共見佛，與諸菩薩禮事供養。」

己五、文殊同往

文殊師利言：「善哉！行矣！今正是時。」

己六、用神力擎拄菴園 二
庚一、到佛所申敬

大士申敬

維摩詰即以神力，持諸大眾并師子座，置於右掌，往詣佛所。到已著地，稽首佛足，右遶七匝，

一心合掌，在一面立。

諸菩薩申敬

釋梵申敬

其諸菩薩即皆避座，稽首佛足，亦繞七匝，於一面立；諸大弟子、釋、梵、四天王等，亦皆避座，

稽首佛足，在一面立。

庚二、佛慰問

慰問

命蓮座

奉命蓮座

於是世尊如法慰問諸菩薩已，各令復坐，即皆受教。

戊二、阿難聞香即發疑問 二
己一、佛問舍利

眾坐已定，佛語舍利弗：「汝見菩薩大士，自在神力之所為乎？」問「唯然，已見！」答

「汝意云何？」更問如何「世尊！我觀其為不可思議，非意所圖，非度所測。」答

己二、阿難疑香 二
庚一、問香

爾時阿難白佛言：「世尊！今所聞香，自昔未有，是為何香？」阿難問佛告阿難：「是彼菩薩毛孔之香。」佛答

於是舍利弗語阿難言：「我等毛孔亦出是香。」身子云我身亦香阿難言：「此所從來？」阿難問得香之緣

曰：「是長者維摩詰，從眾香國，取佛餘飯，於舍食者，一切毛孔皆香若此。」身子答

庚二、問消 三
辛一、阿難問

阿難問維摩詰：「是香氣住當久如？」

辛二、淨名答

A、總答

B、別答：一、事

維摩詰言：「至此飯消。」日：「此飯久如當消？」日：「此飯勢力至于七日，然後乃消。

二、理

又阿難！若聲聞人未入正位，食此飯者，得入正位，然後乃消；已入正位，食此飯者，得心解脫，然後乃消；

若未發大乘意，食此飯者，至發意乃消；已發意食此飯者，得無生忍，然後乃消；已得無生忍，食此飯者，至一生補處，然後乃消。

譬如有藥，名曰上味，其有服者，身諸毒滅，然後乃消。

此飯如是，滅除一切諸煩惱毒，然後乃消。」

辛三、阿難稱歎

阿難白佛言：「未曾有也，世尊！如此香飯能作佛事。」

丁二、明護宗 =
戊一、護宗說界 =
己一、正明界 =

A、釋「以何法起皈依土」

佛言：「如是，如是！阿難！或有佛土以佛光明而作佛事，有以諸菩薩而作佛事，有以佛所化人而作佛事，有以菩提樹而作佛事，有以佛衣服、臥具而作佛事，有以飯食而作佛事，有以園林臺觀而作佛事，有以三十二相、八十隨形好而作佛事，有以佛身而作佛事，有以虛空而作佛事；眾生應以此緣得入律行。有以夢、幻、影、響、鏡中像、水中月、熱時炎，如是等喻而作佛事。有以音聲、語言、文字而作佛事。或有清淨佛土、寂寞無言、無說、無示、無識、無作、無為，而作佛事。

B、釋「隨以何法入佛土取土」：一、善門

二、惡門

如是，阿難！諸佛威儀進止，諸所施為，無非佛事。阿難！有此四魔，八萬四千諸煩惱門，而諸眾生為之疲勞，諸佛即以此法而作佛事，是名入一切諸佛法門。

C、釋「調伏眾生取土」

菩薩入此門者，若見一切淨好佛土，不以為喜，不貪不高；若見一切不淨佛土，不以為憂，不礙不沒。但於諸佛生清淨心，歡喜恭敬，未曾有也！

D、釋「隨所化眾生而取佛土」

諸佛如來功德平等！為教化眾生故，而現佛土不同。

己二、釋其意^四

庚一、就虛空結釋

阿難！汝見諸佛國土，地有若干，而虛空無若干也；

庚二、略明身智

如是見諸佛色身有若干耳，其無礙慧無若干也。

庚三、廣明身智

「阿難！諸佛色身、威相、種性，戒、定、智慧、解脫、解脫知見，力、無所畏、不共之法、大慈、大悲，威儀所行，及其壽命，說法教化，成就眾生，淨佛國土，具諸佛法，悉皆同等。

庚四、約三號釋

A；正釋三號

B、辨義廣難受：一、三句義廣，阿難所不能持

是故名為三藐三佛陀，名為多陀阿伽度，名為佛陀。阿難！若我廣說此三句義，汝以劫壽，不能

盡受。

二、假使多阿難，亦不能持

正使三千大千世界滿中眾生，皆如阿難多聞第一，得念總持，此諸人等，以劫之壽，亦不能受。

如是，阿難！諸佛阿耨多羅三藐三菩提，無有限量，智慧辯才不可思議。」

三、阿難悔責

阿難白佛言：「我從今已往，不敢自謂以為多聞。」

四、佛覺喻

佛告阿難：「勿起退意！所以者何？我說汝於聲聞中為最多聞，非謂菩薩。

五、釋不能持義

且止，阿難！其有智者不應限度諸菩薩也；一切海淵尚可測量，菩薩禪定、智慧、總持、辯才一切功德不可量也。

阿難！汝等捨置菩薩所行，是維摩詰一時所現神通之力。一切聲聞、辟支佛於百千劫，盡力變化所不能作。」

戊二、護宗明因^三
己一、讀法

悔責

爾時眾香世界菩薩來者，合掌白佛言：「世尊！我等初見此土，生下劣想，今自悔責，捨離是心。

頓解

誦法

所以者何？諸佛方便，不可思議！為度眾生故，隨其所應，現佛國異。唯然世尊！願賜少法，還

於彼土，當念如來。」

己二、佛為說^三
庚一、總標勸學

佛告諸菩薩：「有盡無盡解脫法門，汝等當學。

庚二、釋^二
辛一、略釋

何謂為盡？謂有為法；何謂無盡？謂無為法。如菩薩者，不盡有為，不住無為。

辛二、廣別釋^三
壬一、不盡有為

標

「何謂不盡有為？

釋

謂不離大慈，不捨大悲；深發一切智心，而不忽忘；教化眾生，終不厭倦；於四攝法，常念順行，護持正法，不惜軀命；種諸善根，無有疲厭。

志常安住，方便迴向；求法不懈，說法無悞；勤供諸佛；故入生死，而無所畏；於諸榮辱，心無憂喜；不輕未學，敬學如佛；墮煩惱者，令發正念；於遠離樂，不以為貴；不著己樂，慶於彼樂；在諸禪定，如地獄想；於生死中，如園觀想；見來求者，為善師想；捨諸所有，具一切智想；見毀戒人，起救護想；諸波羅蜜，為父母想；道品之法，為眷屬想；發行善根，無有齊限；以諸淨國嚴飾之事，成己佛土；行無限施，具足相好；除一切惡，淨身口意；生死無數劫，意而有勇；聞佛無量德，志而不倦；以智慧劍，破煩惱賊，出陰界入；荷負眾生，永使解脫；以大精進，摧伏魔軍；常求無念實相智慧行；少欲知足，而不捨世法，不壞威儀，而能隨俗；起神通慧，引導眾生，得念總持，所聞不忘；善別諸根，斷眾生疑；以樂說辯，演法無礙。淨十善道，受天、人福；修四無量，開梵天道；勸請說法，隨喜讚善；得佛音聲；身口意善，得佛威儀；深修善法，所行轉勝；以大乘教，成菩薩僧；心無放逸，不失眾善。

結釋

行如此法，是名菩薩不盡有為。

壬二、不住無為

標

「何謂菩薩不住無為？」

別釋

謂修學空，不以空為證；修學無相、無作，不以無相、無作為證；修學無起，不以無起為證；觀於無常，而不厭善本；觀世間苦，而不惡生死；觀於無我，而誨人不倦；觀於寂滅，而不永寂滅；觀於遠離，而身心修善；觀無所歸，而歸趣善法；觀於無生，而以生法荷負一切；觀於無漏，而不斷諸漏；觀無所行，而以行法教化眾生；觀於空無，而不捨大悲；觀正法位，而不隨小乘；觀諸法虛妄，無牢無人、無主無相，本願未滿，而不虛福德、禪定、智慧。

結

修如此法，是名菩薩不住無為。

壬三、疊釋二種

稱述智慧一雙

慈悲誓願一雙

「又具福德故，不住無為；具智慧故，不盡有為。大慈悲故，不住無為；滿本願故，不盡有為。

識藥授藥一雙

知病滅病一雙

集法藥故，不住無為；隨授藥故，不盡有為。知眾生病故，不住無為；滅眾生病故，不盡有為。

諸正士菩薩以修此法，不盡有為、不住無為。

辛三、結釋

是名盡無盡無閼法門，汝等當學！」

己三、稱歎還本

爾時彼諸菩薩聞說是法，皆大歡喜，以眾妙華、若干種色、若干種香，散遍三千大千世界，供養於佛，及此經法，并諸菩薩已，稽首佛足，歎未曾有！言：「釋迦牟尼佛乃能於此善行方便。」

言已，忽然不現，還到彼國。

見阿閼佛品第十二

丙二、示佛國之界 ^三

丁一、明法身體用 ^三

戊一、佛問其法身 ^四

己一、佛問

爾時世尊問維摩詰：「汝欲見如來，為以何等觀如來乎？」

己二、大士答 ^四

庚一、總答

維摩詰言：「如自觀身實相，觀佛亦然。」

庚二、別答

我觀如來前際不來，後際不去，今則不住。

不觀色，不觀色如，不觀色性。不觀受、想、行、識，不觀識如，不觀識性。非四大起，同於虛空。六入無積，眼·耳·鼻·舌·身·心已過。

不在三界，三垢已離。順三脫門，三明與無明等。

不一相、不異相。不自相、不他相。非無相、非取相。不此岸，不彼岸，不中流，而化眾生。

觀於寂滅，亦不永滅。不此不彼；不以此，不以彼。

不可以智知，不可以識識。無晦、無明。無名、無相。無強、無弱。非淨、非穢。

不在方，不離方。非有為，非無為。無示無說。

不施不慳，不戒不犯，不忍不恚，不進不怠，不定不亂，不智不愚，不誠不欺。

不來不去，不出不入。一切言語道斷。

非福田，非不福田；非應供養，非不應供養。

非取、非捨。非有相，非無相。同真際，等法性。不可稱，不可量，過諸稱量。

非大、非小。非見、非聞、非覺、非知。離眾結縛。等諸智，同眾生。於諸法無分別。

一切無失。無濁、無惱。無作、無起。無生、無滅。無畏無憂，無喜無厭。

無已有，無當有，無今有。不可以一切言說分別顯示。

庚三、結

世尊！如來身為若此，作如是觀。

庚四、簡邪正

以斯觀者，名為正觀；若他觀者，名為邪觀。」

戊二、身子問應身^二
己一、彈折身子^二
庚一、身子問

爾時舍利弗問維摩詰：「汝於何沒而來生此？」

庚二、答

先反質

維摩詰言：「汝所得法有沒生乎？」舍利弗言：「無沒生也。」「若諸法無沒生相，云何問言：『汝

於何沒而來生此？』」

普顯

問

答

「於意云何？譬如幻師，幻作男女，寧沒生耶？」舍利弗言：「無沒生也。」

引佛證為釋

汝豈不聞佛說諸法如幻相乎？」答曰：「如是！」

若一切法如幻相者！云何問言：「汝於何沒而來生此？」

舍利弗！沒者為虛誑法，壞敗之相；生者為虛誑法，相續之相。菩薩雖沒，不盡善本；雖生，不長諸惡。」

己二、佛發其所居之國^三
庚一、佛說其所居隨緣淨國

是時佛告舍利弗：「有國名妙喜，佛號無動。是維摩詰於彼國沒，而來生此。」

庚二、身子稱歎

舍利弗言：「未曾有也。世尊！是人乃能捨清淨土，而來樂此多怒害處。」

庚三、大士釋出

問曰共聞合眾

答

維摩詰語舍利弗：「於意云何？日光出時與冥合乎？」答曰：「不也！日光出時，則無眾冥。」

問日何出

者

維摩詰言：「夫日何故行閻浮提？」答曰：「欲以明照，為之除冥。」

釋出

維摩詰言：「菩薩如是！雖生不淨佛土，為化眾生，不與愚闇而共合也，但滅眾生煩惱闇耳！」

丁二、明所居淨國^七

戊一、大眾欽渴欲見

是時大眾渴仰，欲見妙喜世界無動如來，及其菩薩、聲聞之眾。

戊二、命令現

明佛寂照鑒知，知其有念

正命令現

佛知一切眾會所念，告維摩詰言：「善男子！為此眾會，現妙喜國無動如來，及諸菩薩、聲聞之眾，眾皆欲見。」

戊三、奉命移取

心念欲移妙喜山林世界

於是維摩詰心念：「吾當不起于座，接妙喜國，鐵圍山川溪谷江河，大海泉源，須彌諸山，及日

月星宿、天龍鬼神梵天等宮，并諸菩薩、聲聞之眾，城邑聚落，男女大小，乃至無動如來，及菩提樹，諸妙蓮華，能於十方作佛事者；三道寶階從閻浮提，至忉利天，以此寶階，諸天來下，悉為禮敬無動如來，聽受經法。閻浮提人，亦登其階，上昇忉利，見彼諸天。妙喜世界成就如是無量功德，上至阿迦膩吒天，下至水際；以右手斷取，如陶家輪，入此世界，猶持華鬘，示一切眾。」

正現神力

作是念已，入於三昧，現神通力，以其右手斷取妙喜世界，置於此土。

得神通者覺驚怪

彼得神通菩薩及聲聞眾，并餘天、人，俱發聲言：「唯然世尊！誰取我去！願見救護。」

佛稱是淨名所為

無動佛言：「非我所為，是維摩詰神力所作。」

不得通者不覺

入於此土無損減

其餘未得神通者，不覺不知己之所往。妙喜世界，雖入此土，而不增減，於是世界亦不迫隘，如本無異。

戊四、佛勸時眾修行

勤觀彼土嚴淨

爾時釋迦牟尼佛告諸大眾：「汝等且觀妙喜世界無動如來，其國嚴飾，菩薩行淨，弟子清白。」

時眾對曰已見

正勤修無動行者

皆曰：「唯然已見。」佛言：「若菩薩欲得如是清淨佛土，當學無動如來所行之道。」

戊五、大眾發心

發心

發願

現此妙喜國時，娑婆世界十四那由他人，發阿耨多羅三藐三菩提心。皆願生於妙喜佛土。釋迦牟尼佛即記之曰：「當生彼國。」

戊六、利益已還本

時妙喜世界於此國土所應饒益，其事訖已，還復本處，舉眾皆見。

戊七、身子稱歎

佛問見不

奉答唯然

佛告舍利弗：「汝見此妙喜世界及無動佛不？」「唯然已見！」

世尊！願使一切眾生得清淨土，如無動佛；獲神通力，如維摩詰。世尊！我等快得善利，得見是

人親近供養。

歡聞經功德

其諸眾生，若今現在，若佛滅後，聞此經者，亦得善利。

況出種深

況復聞已信解，受持讀誦解說，如法修行。若有手得是經典者，便為已得法寶之藏。

若有讀誦解釋其義，如說修行，即為諸佛之所護念。

其有供養如是人者，當知即為供養於佛。

其有書持此經卷者，當知其室即有如來。

若聞是經能隨喜者，斯人則為取一切智。

若能信解此經，乃至一四句偈，為他說者，當知此人，即是受阿耨多羅三藐三菩提記。」

法供養品第十三

- 甲三、流通分 =
- 乙一、顯弘經之瑰重 =
- 丙一、天帝稱歎弘經

A、歎法

爾時釋提桓因於大眾中白佛言：「世尊！我雖從佛及文殊師利聞百千經，未曾聞此不可思議，自在神通，決定實相經典。

B、歎人：一、釋經功德

如我解佛所說義趣，若有眾生聞是經法，信解受持讀誦之者，必得是法不疑。

二、況出如法行者

何況如說修行？斯人即為閉眾惡趣、開諸善門，常為諸佛之所護念；降伏外學，摧滅魔怨；修治菩提，安處道場；履踐如來所行之跡。

C、發誓

世尊！若有受持讀誦如說修行者，我當與諸眷屬供養給事；所在聚落城邑、山林曠野，有是經處，我亦與諸眷屬，聽受法故共到其所；其未信者，當令生信；其已信者，當為作護。」

丙二、如來述成其意^三
丁一、述其歡洽

佛言：「善哉，善哉！天帝！如汝所說，吾助爾喜。此經廣說過去、未來、現在諸佛不可思議阿耨多羅三藐三菩提。

丁二、述其歡人^四
戊一、格量功德

格現在供養佛

是故，天帝！若善男子、善女人受持、讀誦、供養是經者，即為供養去、來、今佛。

「天帝！正使三千大千世界如來滿中，譬如甘蔗、竹葦、稻麻、叢林；若有善男子、善女人，或一劫、或減一劫，恭敬尊重，讚歎供養，奉諸所安。

格滅現起塔

至諸佛滅後，以一全身舍利起七寶塔，縱廣一四天下，高至梵天，表刹莊嚴；以一切華香、瓔珞、幢幡、伎樂微妙第一，若一劫、若減一劫，而供養之。

戊二、問

於天帝意云何，其人植福，寧為多不？」

戊三、答

答多矣

釋其不可盡

釋提桓因言：「多矣，世尊！彼之福德，若以百千億劫，說不能盡。」

戊四、正格量

述上信行

述上法行

佛告天帝：「當知是善男子、善女人，聞是不可思議解脫經典，信解受持，讀誦修行，福多於彼。

所以者何？諸佛菩提皆從是生；菩提之相不可限量，以是因緣福不可量。」

丁三、述其發誓^四

戊一、明過去法供養之因由

明有佛

佛告天帝：「過去無量阿僧祇劫，時世有佛，號曰藥王如來，應供，正遍知，明行足，善逝，世

間解，無上士，調御丈夫，天人師，佛，世尊。世界曰大莊嚴，劫曰莊嚴，佛壽二十小劫；其聲聞僧

三十六億那由他；菩薩僧有十二億。

明有王勅示諸子

天帝！是時有轉輪聖王，名曰寶蓋，七寶具足，主四天下。王有千子，端正勇健，能伏怨敵。

「爾時寶蓋與其眷屬供養藥王如來，施諸所安，至滿五劫。過五劫已，告其千子：『汝等亦當如

我，以深心供養於佛。』」

明諸子奉勅實行

於是千子受父王命，供養藥王如來，復滿五劫，一切施安。

戊二、明王子月蓋^九

己一、王子獨坐思惟求勝供養

其王一子，名日月蓋，獨坐思惟：『寧有供養，殊過此者？』」

己二、空中驚覺

以佛神力，空中有天曰：『善男子！法之供養勝諸供養。』」

己三、仍問勝法

即問：「何謂法之供養？」

己四、天勸問如來

天曰：「汝可往問藥王如來，當廣為汝說法之供養。」

己五、法讀於佛

「即時月蓋王子行詣藥王如來，稽首佛足，却住一面，白佛言：『世尊！諸供養中，法供養勝。』」

云何名為法之供養？」

己六、佛為解說
庚一、明勝妙之法

明最妙之法

佛言：「善男子！法供養者，諸佛所說深經。一切世間難信難受，微妙難見，清淨無染。非但分

別思惟之所能得。

約法論因

菩薩法藏所攝，陀羅尼印印之。至不退轉，成就六度。善分別義，順菩提法，眾經之上。入大慈

悲，離眾魔事，及諸邪見。順因緣法，無我，無人，無眾生，無壽命，空、無相、無作、無起。

約法論果

能令眾生坐於道場，而轉法輪，諸天、龍神、乾闥婆等，所共歎譽。

能令眾生入佛法藏，攝諸賢聖一切智慧，說眾菩薩所行之道。依於諸法實相之義，明宣無常、苦、空、無我、寂滅之法。

能救一切毀禁眾生。諸魔外道及貪著者，能使怖畏。

即其因果

諸佛賢聖，所共稱歎。背生死苦，示涅槃樂。十方三世諸佛所說。

庚二、明供養之心

明信行

若聞如是等經，信解受持讀誦，以方便力，為諸眾生分別解說，顯示分明，守護法故，是名法之供養。

明法行

又於諸法如說修行，隨順十二因緣，離諸邪見，得無生忍。決定無我、無有眾生，而於因緣果報，

無違無諍，離諸我所。

依於義，不依語；依於智，不依識；依了義經，不依不了義經；依於法，不依人。

隨順法相，無所入，無所歸。無明畢竟滅故，諸行亦畢竟滅；乃至生畢竟滅故，老死亦畢竟滅。

作如是觀，十二因緣，無有盡相，不復起見，是名最上法之供養。□

己七、聞法得順忍

A、得順忍之益

B、解寶衣報恩供養：一、供養

二、發願行法供養

佛告天帝：「王子月蓋從藥王佛聞如是法，得柔順忍。即解寶衣嚴身之具，以供養佛。白佛言：『世

尊！如來滅後，我當行法供養，守護正法。願以威神加哀建立，令我得降魔怨，修菩薩行。』□

己八、佛記其護法

佛知其深心所念，而記之曰：『汝於末後，守護法城。』□

己九、出家為道為法供養

明出家護法

天帝！時王子月蓋，見法清淨，聞佛授記，以信出家，修集善法；精進不久，得五神通，逮菩薩

道，得陀羅尼，無斷辯才。

於佛滅後，以其所得神通、總持、辯才之力，滿十小劫，藥王如來所轉法輪隨而分布。

明化人多少

月蓋比丘以守護法，勤行精進，即於此身，化百萬億人於阿耨多羅三藐三菩提，立不退轉；十四那由他人，深發聲聞、辟支佛心；無量眾生得生天上。

戊三、結會古今

天帝！時王寶蓋豈異人乎？今現得佛，號寶炎如來。其王千子，即賢劫中千佛是也。從迦羅鳩孫馱為始得佛，最後如來號曰樓至。月蓋比丘，即我身是。

戊四、結釋述成

如是，天帝！當知此要。以法供養於諸供養為上為最，第一無比。是故天帝！當以法之供養，供養於佛。 ─

囑累品第十四

乙二、當令季像^二得宣^三
丙一、佛付囑彌勒^二
丁一、佛付囑^三
戊一、正付囑此經

正付囑此經

於是佛告彌勒菩薩言：「彌勒！我今以是無量億阿僧祇劫所集，阿耨多羅三藐三菩提法，付囑於汝。

命神通守護

如是輩經，於佛滅後末世之中，汝等當以神力，廣宣流布於閻浮提，無令斷絕。

戊二、釋

末代亦有得道之機

所以者何？未來世中，當有善男子、善女人，及天、龍、鬼神、乾闥婆、羅剎等，發阿耨多羅三藐三菩提心，樂于大法。

不聞斯經則失善利

若使不聞如是等經，則失善利。如此輩人，聞是等經，必多信樂，發希有心，當以頂受，隨諸眾生所應得利，而為廣說。

戊三、簡得失 二
己一、簡得失

標相

略解釋

「彌勒當知！菩薩有二相。何謂為二？一者，好於雜句文飾之事。二者，不畏深義，如實能入。

約人釋

若好雜句文飾事者，當知是為新學菩薩；若於如是無染無著甚深經典，無有恐畏，能入其中，聞已心淨，受持讀誦，如說修行，當知是為久修道行。

己二、責學非釋

釋對新學毀謗不近

「彌勒！復有二法，名新學者，不能決定於甚深法。

何等為二？一者，所未聞深經，聞之驚怖生疑，不能隨順，毀謗不信，而作是言：『我初不聞。

從何所來？』

二者，若有護持解說如是深經者，不肯親近、供養、恭敬，或時於中說其過惡。有此二法，當知是為新學菩薩，為自毀傷，不能於深法中，調伏其心。

釋前久學不應輕慢取相

「彌勒！復有二法，菩薩雖信解深法，猶自毀傷，而不能得無生法忍。

何等為二？一者，輕慢新學菩薩，而不教誨。二者，雖信解深法，而取相分別。是為二法。」

丁二、彌勒受旨^三

戊一、彌勒受旨^二

己一、受旨

A、受誠旨

彌勒菩薩聞說是已，白佛言：「世尊！未曾有也。如佛所說，我當遠離如斯之惡。

B、受勸旨：一、奉遇經旨

二、奉神力護持旨

奉持如來無數阿僧祇劫所集，阿耨多羅三藐三菩提法。若未來世善男子、善女人求大乘者，當令
手得如是等經，與其念力，使受持、讀誦、為他廣說。世尊！若後末世，有能受持、讀誦、為他說者，
當知是彌勒神力之所建立。」

己二、述成

佛言：「善哉，善哉！彌勒！如汝所說，佛助爾喜。」

戊二、諸菩薩受旨

於是**一切菩薩**合掌白佛：「我等亦於如來滅後，十方國土廣宣流布阿耨多羅三藐三菩提，復當開導諸說法者，令得是經。」

戊三、四王受旨

爾時**四天王**白佛言：「世尊！在在處處、城邑聚落、山林曠野，有是經卷，讀誦解說者，我當率諸官屬，為聽法故，往詣其所，擁護其人，面百由旬，令無伺求得其便者。」

丙二、付囑阿難

是時佛告阿難：「受持是經，廣宣流布。」阿難言：「唯！我已受持要者。世尊！當何名斯經？」佛言：「阿難！是經名為『維摩詰所說』，亦名『不可思議解脫法門』，如是受持。」

丙三、大眾聞經歡喜

佛說是經已，長者維摩詰、文殊師利、舍利弗、阿難等，及諸天、人、阿修羅一切大眾，聞佛所說，皆大歡喜。